



文選增定卷第二

賦二十首

荀卿五首

禮賦

爰有大物非絲非帛。文理成章。非日非月。為天下明。生者以壽。死者以葬。城郭以固。三軍以彊。粹而王。駁而伯。無一焉而亡。臣愚不識。敢請之王。王曰。此夫文而不采者與。簡而易知而致有理者與。君子所敬而小人所不者與。性不得則若禽獸。性得之則甚雅似者與。匹夫隆之則為聖人。諸侯隆之則一四海者與。至明而約。甚順而體。請歸之禮。

知賦



皇天降物以示下民。或厚或薄。帝不齊均。桀紂以亂。湯武以賢。溘溘淑淑。皇皇穆穆。周流四海。曾不崇日。君子以修。跖以空室。太參乎天。精微而無形。行義以正。事業以成。可以禁暴。足窮百姓。待之而後寧。泰。臣愚不識。請問其名。曰此夫安寬平而危險隘者耶。修潔之為親而雜汙之為狄者耶。甚深藏而外勝敵者耶。法舜禹而不能揜迹者耶。行為動靜待之而後適者耶。血氣之精也。志意之榮也。百姓待之而後寧也。天下待之而後平也。明達純粹而無疵也。夫是之謂君子之知。

雲賦

有物於此。居則周靜致下。動則綦高以鉅。圓者中規。方者

禮賦 知賦

中矩。大參天地。德厚舜禹。精微乎毫毛。而充盈乎天。寓忽兮其極之遠也。撮兮其相逐而反也。叩叩兮天下之咸蹇也。德厚而不損。五采備而成文。往來懔懔。通于大神。出入甚極。莫知其門。天下失之則滅。得之則存。弟子不敏。此之願陳。君子設辭。請測意之。曰此夫大而不塞者與。充盈大宇而不窳。入郗穴而不偪者與。行遠疾速而不可託。詘者與。往來懔懔而不可為固塞者與。暴至殺傷而不億忘者與。功被天下而不私置者與。託地而游宇。友風而子雨。冬日作寒。夏日作暑。廣大精神。請歸之雲。

蠶賦

有物於此。儻儻兮其狀。屢化如神。功被天下。為萬世文。禮

樂以成貴賤以分養老長幼待之為而後存名號不美與  
暴為隣功立而身廢事成而家敗棄其耆老收其後世入  
屬所利飛鳥所害臣愚而不識請占之五泰五泰占之曰  
此夫身女好而頭馬首者與屢化而不壽者與善壯而拙  
老者與有父母而無牝牡者與冬伏而夏游食桑而吐絲  
前亂而後治夏生而惡暑喜溫而惡雨蛹以為母蛾以為  
父三俯三起事乃大已夫是之謂蠶理

箴賦

有物於此生於山阜處於室堂無知無巧善治衣裳不盜  
不竊穿窬而行日夜合雜以成文章以能合從又善連衡  
下覆百姓上飾帝王功業甚博不見賢良時用則存不用

雲賦 蠶賦

則亡臣愚不識敢請之王王曰此夫始生鉅其成功小者  
耶長其尾而銳其剽者耶頭銛銛而剽趙繚者耶一往一  
來結尾以為事無羽無翼反覆甚極尾生而事起尾遭而  
事已簪以為父管以為母既以縫表又以連裏夫是之謂  
箴理

宋玉四首

風賦

楚襄王遊於蘭臺之宮宋玉景差侍有風颯然而至王乃  
披襟而當之曰快哉此風寡人所與庶人共者耶宋玉對  
曰此獨大王之風耳庶人安得而共之王曰夫風者天地  
之氣溥暢而至不擇貴賤高下而加焉今子獨以為寡人

聒乎宏反

梢擊也

捷音件

耶與抵同

之風豈有說乎宋玉對曰臣聞於師枳句來巢空穴來風其所託者然則風氣殊焉王曰夫風始安生哉宋玉對曰夫風生於地起於青蘋之末侵淫谿谷盛怒於土囊之口緣太山之阿舞於松柏之下飄忽湘滂激颺慄怒眩雷聲迴穴錯迕靡石伐木梢殺林莽至其將衰也被巖披離衝孔動捷眴渙粲爛離散轉移故其清涼雄風則飄舉升降乘凌高城入於深宮邸華葉而振氣徘徊於桂椒之間翱翔於激水之上將擊芙蓉之精獵蕙草離秦蘅縈新夷被萋楊迴穴衝陵蕭條衆芳然後倘佯中庭北上玉堂躋于羅帷經于洞房迺得為大王之風也故其風中人狀直慤悽慄慄清涼增欬清清泠泠病愈析醒發明耳目寧體

風賦

壙孔反

壙音壽

聒所反  
聒所反  
聒所反  
聒所反

中風口動

使人此所謂大王之雄風也王曰善哉論事夫庶人之風豈可聞乎宋玉對曰夫庶人之風壙然起於窮巷之間壙堞揚塵勃鬱煩冤衝孔襲門動沙堞吹死灰駭溷濁揚腐餘邪薄入甕牖至於室廬故其風中人狀直慤溷鬱邑毆温致濕中心慘怛生病造熱中脣為胗得目為睞暗齟嗽獲死生不卒此所謂庶人之雌風也

高唐賦

昔者楚襄王與宋玉游雲夢之臺望高唐之觀其上獨有雲氣崑兮直上忽兮改容湏臾之間變化無窮王問玉曰此何氣也玉對曰所謂朝雲者也王曰何謂朝雲玉曰昔者先王嘗游高堂怠而晝寢夢見一婦人曰妾巫山之女

對音隊

秋小子反

稽音畜

高唐賦

也為高唐之客聞君游高唐願薦枕席王因幸之去而辭  
 曰妾在巫山之陽高丘之岵旦為朝雲暮為行雨朝朝暮  
 暮陽臺之下旦朝視之如言故為立廟號曰朝雲王曰朝  
 雲始出狀若何也玉對曰其始出也暉兮若松栝其少進  
 也晰兮若姣姬揚袂鄣日而望所思忽兮改容偃兮若駕  
 駟馬建羽旗湫兮如風淒兮如雨風止雨霽雲無處所王  
 曰寡人方今可以游乎玉曰可也玉曰其何如矣玉曰高  
 矣顯矣臨望遠矣廣矣普矣萬物祖矣上屬於天下見於  
 淵珍怪竒偉不可稱論王曰試為寡人賦之玉曰唯唯惟  
 高唐之大體兮殊無物類之可儀比巫山赫其無疇兮道  
 互折而曾累登巉巖而下望兮臨大隄之稽水遇天雨之

張鳥罪反  
 礫盧罪反  
 燈音聶  
 澆任咸反  
 薄仕角反  
 蕭音鬼

新霽兮觀百谷之俱集溥洶洶其無聲兮潰淡淡而並入  
 洋洋而四施兮翁湛湛而不止長風至而波起兮若麗  
 山之孤畝勢薄岍而相擊兮隘交引而却會崒中怒而特  
 高兮若浮海而望碣石礫礫而相摩兮燈震天之磔磔  
 巨石弱弱之瀼瀼兮沫潼潼而高厲水澹澹而般紆兮洪  
 波淫淫之溶溶奔揚踊而相擊兮雲興聲之需需猛獸驚  
 而跳駭兮妾奔走而馳邁虎豹豺兕失氣恐啄鵙鴈鷄  
 飛揚伏竄股戰脅息安敢妄擊於是水蟲盡暴乘渚之陽  
 鼃鼃鱣鮪交積縱橫振鱗奮翼蛟螭蜿蜒中阪遙望玄木  
 冬榮煌煌熒熒奪人目精爛兮若列星曾不可殫形榛林  
 鬱盛葩葉覆蓋雙椅垂房科枝還會徒靡澹淡隨波闐闐

嶺在官反  
屹五官反  
禮五京反

聖呼交反

惛音超

東西施翼椅柅豐霈綠葉紫裹朱莖白帶纖條悲鳴聲似  
竿籟清濁相和五變四會感心動耳迴腸傷氣孤子寡婦  
寒心酸鼻長吏墮官賢人失志愁思無已歎息垂淚登高  
遠望使人心瘁盤岍嶺屹振陳磴磴磐石險峻傾椅崖墮  
巖嶇參差縱橫相追阨牙橫梧背穴偃蹶交加累積重疊  
增益狀似砥柱在巫山之下仰視山巔肅何芊芊炫耀虹  
蜺俯視崢嶸窳窳窳冥不見其底虛聞松聲傾岍洋洋立  
而熊經久而不去足盡汗出悠悠忽忽怛悵自失使人心  
動無故自恐賁育之斷不能為勇卒愕異物不知所出繼  
縱莘莘若生於鬼若生於神狀似走獸或象飛禽譎詭奇  
偉不可究陳上至觀側地蓋底平箕踵漫行芳草羅生秋

高唐賦

蘭芷蕙江離載菁菁荃射干揭車苞并薄草靡靡聯延夭  
天越香掩掩衆雀嗷嗷雌雄相失哀鳴相號王雎鷓黃正  
冥楚鳩姊歸思婦垂雞高巢其鳴喈喈當年遨游更唱迭  
和赴曲隨流有方之士羨門高谿上成鬱林公樂聚穀進  
純犧禱琬室醮諸神禮太一傳祝已具言辭已畢王乃乘  
玉輿駟蒼螭垂旒旌旆合諧絃大弦而雅聲流冽風過而  
增悲哀於是調謳令人慄慄慄慄脅息增欷於是乃縱獵  
者基趾如星傳言羽獵銜枚無聲弓弩不發罟罟不傾涉  
泮泮馳莘莘飛鳥未及起走獸未及發弭節奄忽蹄足灑  
血舉功先得獲車已實王將欲往見之必先齋戒差時擇  
日簡輿玄服建雲旆蜺為旌翠為蓋風起雨止千里而逝

衆伏侯反

蓋發蒙往自會思萬方憂國害開賢聖輔不逮九竅通鬱  
精神察延年益壽千萬歲

神女賦

楚襄王與宋玉游於雲夢之浦使玉賦高唐之事其夜王  
寢夢與神女遇其狀甚麗王異之明日以白玉玉曰其夢  
若何王對曰晡夕之後精神恍惚若有所喜紛紛擾擾未  
知何意目色鬚乍若有記見一婦人狀甚奇異寐而夢  
之寤不自識罔兮不樂悵爾失志於是撫心定氣復見所  
夢玉曰狀如何也王曰茂矣美矣諸好備矣盛矣麗矣難  
測究矣上古既無世所未見瓌姿瑋態不可勝讚其始來  
也耀乎若白日初出照屋梁其少進也皎若明月舒其光

高唐賦

精音  
體也外反

須臾之間美貌橫生燁乎如花温乎如瑩五色並馳不可  
殫形詳而視之奪人目精其盛飾也則羅紈綺縠盛文章  
極服妙綵照萬方振繡衣被袿裳穠不短纖不長步裔裔  
兮曜殿堂忽兮改容婉若游龍乘雲翔嬈被服佻薄裝沐  
蘭澤含若芳性和適宜侍旁順序卑調心腸王曰若此盛  
矣試為寡人賦之玉曰唯唯夫何神女之妖麗兮含陰陽  
之渥飾被華藻之可好若翡翠之奮翼其象無雙其美無  
極毛嬙鄒袂不足程式西施掩面比之無色近之既妖遠  
之有望骨法多奇應君之相視之盈目孰者克尚私心獨  
悅樂之無量交希恩踈不可盡暢他人莫覩王覽其狀其  
狀我我何可極言貌豐盈以莊姝兮苞温潤之玉顏眸子



遷居委反  
趨音獲

愿一計反

願音并反

炯其精朗兮瞭多美而可觀眉聯娟似蛾揚兮朱脣的其  
若丹素質幹之醜實兮志解泰而體閑既婉孌於幽靜兮  
又婆娑乎人間宜高殿以廣意兮翼放縱而綽寬動霧縠  
以徐步兮拂墀聲之珊珊望余帷而延視兮若流波之將  
瀾奮長袖以正衽兮立躑躅而不安澹清靜其悒愿兮性  
沈詳而不煩時容與以微動兮志未可乎得愿意似近而  
既遠兮若將來而復旋褰余幃而請御兮願盡盡之惓惓  
懷貞亮之絜清兮卒與我乎相難陳嘉辭而云對兮吐芬  
芳其若蘭精交接以來往兮心凱康以樂歡神獨亨而未  
結兮魂瑩瑩以無端含然諾其不分兮喟揚音而哀歎頽  
薄怒以自持兮曾不可乎犯干於是搖珮飾鳴玉鸞整衣

神女賦

服歛容頽顧女師命太傅歡情未接將辭而去遷延引身  
不可親附似逝未行中若相首目略微眄精來相授志態  
橫出不可勝記意離未絕神心怖覆禮不遑訖辭不及究  
願假湏臾神女稱遽徊腸傷氣顛倒失據闇然而冥忽不  
知處情獨私懷誰者可語惆悵垂涕求之至曙

登徒子好色賦

大夫登徒子侍於楚襄王短宋玉曰玉為人體貌閑麗口  
多微詞又性好色願王勿與出入後宮王以登徒子之言  
問於宋玉玉曰體貌閑麗所受於天也口多微詞所學於  
師也至於好色臣無有也王曰子不好色亦有說乎有說  
則止無說則退玉曰天下之佳人莫若楚國楚國之麗者

賦作善反  
婦共短反

莫若臣里臣里之美者莫若臣東家之子臣東家之子增  
之一分則太長減之一分則太短著粉則太白施朱則太  
赤眉如翠羽肌如白雪腰如束素齒如含貝嫣然一笑惑  
陽城迷下蔡然此女登牆闕臣三年至今未許也登徒子  
則不然其妻蓬頭擘耳齟脣歷齒旁行蝸僕又疥且痔登  
徒子悅之使有五子王熟察之誰為好色者矣是時秦章  
華大夫在側因進而稱曰今夫宋玉盛稱隣之女以為美  
色愚亂之邪臣自以為守德謂不如彼矣且夫南楚窮巷  
之妾焉足為大王言乎若臣之陋目所曾覩者未敢云也  
王曰試為寡人說之大夫曰唯唯臣少曾遠游周覽九土  
足歷五都出咸陽熙邯鄲從容鄭衛溱洧之間是時向春

好色賦

楚辭

之末迎夏之陽鷓鴣喈喈羣女出桑此郊之姝華色含光  
體美容冶不待飾粧臣觀其麗者因稱詩曰遵大路兮攬  
子祛贈以芳花辭甚妙於是處子悅若有望而不來忽若  
有來而不見意密體疏俯仰異觀含喜微笑竊視流眄復  
稱詩曰寤春風兮發鮮榮絜齋俟兮蕙音聲贈我如此今  
不如無生因遷延而辭避蓋徒以微詞相感動精神相依  
憑目欲其頽心顧其義揚詩守禮終不過差故足稱也於  
是楚王稱善宋玉遂不退

賈誼一首

鵬賦

單闕之歲四月孟夏庚子日斜鵬集余舍止于坐隅貌甚

庚鳥即反  
乳鳥八反

間暇異物來崒私恠其故發書占之讖言其度曰野鳥入  
室主人將去請問於鵬余去何之吉虜告我凶言其災淹  
速之度語余其期鵬乃嘆息舉首奮翼口不能言請對以  
臆曰萬物變化兮固無休息幹流而遷兮或推而還形氣  
轉續兮變化而蝗沕穆無窮兮胡可勝言禍兮福所倚福  
兮禍所伏憂喜聚門兮吉凶同城彼吳強大兮夫差以敗  
越棲會稽兮勾踐伯世斯遊遂成兮卒被五刑傳說胥靡  
兮乃相武丁禍之與福兮何異糾纏命不可說兮孰知其  
極水激則旱兮矢激則遠萬物回薄兮振蕩相轉雲蒸雨  
降兮糾錯相分大鈞播物兮塊孔無垠天不可預慮兮道  
不可預謀遲速有命兮惡識其時且夫天地為爐兮造化

鵬賦

為工陰陽為炭兮萬物為銅合散消息兮安有常則千變  
萬化兮未始有極忽然為人兮何足控搏化為異物兮又  
何足患小智自私兮賤彼貴我達人太觀兮物無不可貪  
夫徇財兮烈士徇名夸者死權兮衆庶每生怵迫之徒兮  
或趨西東大人不曲兮億變齊同愚士繫俗兮僂若囚拘  
至人遺物兮獨與道俱衆人惑惑兮好惡積意真人恬漠  
兮獨與道息釋智遺形兮超然自喪寥廓忽荒兮與道翺  
翔乘流則逝兮得坎則止縱軀委命兮不私與已其生兮  
若浮其死兮若休澹乎若深淵之靚泛乎若不繫之舟不  
以生故自寶兮養空而浮德人無累兮知命不憂細故帶  
芥兮何足以疑

董仲舒一首

士不遇賦

嗟乎嗟乎邀哉邀矣時來曷遲去之速矣屈意從人非吾  
徒矣正身俟時將就木矣悠悠借時豈能覺來心之憂與  
不期祿矣皇皇匪寧祗增辱矣努力觸藩徒摧角矣不出  
戶庭庶無過矣重曰生不丁三代之盛隆兮而丁三季之  
末俗以辨詐而期通兮貞士耿介而自束雖日三省於吾  
身兮繇懷進退之惟谷彼寔繁之有徒兮指其白而為黑  
自信媻而言眇兮口信辨而言訥鬼神不能正人事之變  
戾兮聖賢亦不能開愚夫之違惑出門則不可以偕往兮  
藏器又蚩其不容退洗心而內訟兮亦未知其所從也觀

士不遇賦

媻媻

上古之清濁兮廉士亦策策而靡歸殷湯有卞隨與務光  
兮周武有伯夷與叔齊卞隨務光遁迹於深淵兮伯夷叔  
齊登山而采薇使彼聖人其繇周遑兮矧舉世而同迷若  
伍負與屈原兮固亦無所復顧亦不能同彼數子兮將遠  
遊而終慕於吾儕之云遠兮疑荒塗而難踐憚君子之子  
行兮誠三日而不飯嗟天下之偕違兮悵無與之偕返孰  
若返身於秦業兮莫隨世而輪轉雖矯情而獲百利兮復  
不如正心而歸一善紛既迫而後動兮豈云稟性之惟褊  
昭同人而大有兮明謙光而務展遵幽昧於默足兮豈舒  
采而蘄顯苟肝膽之可同兮奚鬢髮之足辨也

漢武帝一首

悼李夫人賦

美連娟以修嫿兮命櫟絕而不長飾新宮以延貯兮泯不  
歸乎故鄉慘鬱鬱其蕪穢兮隱處幽而懷傷釋輿馬於山  
椒兮奄修夜之不陽秋氣潛以淒淚兮桂枝落而銷亡神  
榮榮以遙思兮精浮游而出壘託沈陰以壙久兮惜蕃華  
之未央念窮極之不還兮惟幼眇之相羊函茲疾以俟風  
兮芳雜襲以彌章的容與以猗靡兮縹飄姚虐愈莊燕淫  
衍而撫楹兮連流視而娥揚既激感而心逐兮包紅顏而  
弗明驪接押以離別兮宵寤夢之芒芒忽遷化而不反兮  
魄放逸以飛揚何靈魂之紛紛兮哀裴回以躊躇執路日  
以遠兮遂荒忽而辭去超兮西征屑兮不見寢淫啟荒寂

世不遇賦 悼李夫人賦

兮無音思若流波怛兮在心亂曰佳俠幽光隕朱榮兮嫉  
妬關耳將安程兮方時隆盛季夭傷兮弟子增歎滄沫悵  
兮悲愁於邑喧不可止兮嚮不虛應亦云已兮焦妍大息  
嘆稚子兮慟慄不言倚所恃兮仁者不誓豈約親兮既往  
不來申以信兮去彼昭昭就冥冥兮既下新宮不復故庭  
兮嗚呼哀哉想魂靈兮

司馬相如四首

哀二世賦

登陂陲之長阪兮坐八曾宮之嵯峨臨曲江之隄州兮望  
南山之參差巖巖深山之涇涇兮通谷澹乎鈔澗泊浹鞞  
以永逝兮注平臯之廣衍觀衆樹之蒼愛兮覽竹林之榛

世不遇反

世不遇反

世不遇反

世不遇反

榛東馳土山兮北揭石瀨弭節容與兮歷弔二世持身不  
謹兮二國失勢信讒不寤兮宗廟滅絕烏乎操行之不得  
墓蕪穢而不修兮魂亡歸而不食

長門賦

孝武皇帝陳皇后時得幸頗妬別在長門宮愁悶悲思聞  
蜀郡成都司馬相如天下工為文奉黃金百斤為相如文  
君取酒因于解悲愁之辭而相如為文以悟主上皇后復  
得幸其辭曰

夫何一佳人兮步道遙以自虞魂踰佚而不返兮形枯槁  
而獨居言我朝往而暮來兮飲食樂而忘人心煉移而不  
省故兮交得意而相親伊予志之慢愚兮懷貞慤之歡心

原音煉

漢二世短

願賜問而自進兮得尚君之玉音奉虛言而望誠兮斯誠  
南之離宮修薄具而自設兮君曾不肯兮幸臨廓獨潛而  
專精兮天颼颼而疾風登蘭臺而遙望兮神悅悅而外淫  
浮雲鬱而四塞兮天窈窈而晝陰雷隱隱而響起兮聲象  
君之車音颼風迴而赴闈兮舉帷幄之檐檐桂樹交而相  
紛兮芳酷烈之閭闈孔雀集而相存兮玄猿嘯而長吟翡  
翠脅翼而來萃兮鸞鳳飛而北南心憑噫而不舒兮邪氣  
壯而攻中下蘭臺而周覽兮步從容於深宮正殿塊以造  
天兮鬱並起而穹崇間徙倚於東廂兮觀夫靡而無窮擠  
玉戶以撼金鋪兮聲嘈呖而似鐘音刻木蘭以為棖兮飾  
文杏以為梁羅丰茸之游樹兮離樓梧而相撐施瑰木之

增測耕反  
味胡耕反

樛音碧反  
樛音盧  
樛音康

數音叫

幼音要

樛音桂反  
過也

樛音桂反

樽樛兮委參差以棟梁時髣髴以物類兮象積石之將將  
五色炫以相曜兮煥爛燁而成光致錯石之鈇斨兮象璫  
瑁之文章張羅綺之幔帷兮垂楚組之連網撫柱楣以從  
容兮覽曲臺之央央白鶴敷以哀號兮孤雌跼於枯楊日  
黃昏而望絕兮悵獨託於空堂懸明月以自照兮徂清夜  
於洞房援雅琴以變調兮奏愁思之不可長案流徵以却  
轉兮聲幼妙而復揚貫歷覽其中操兮意慷慨而自卬左  
右悲而垂淚兮涕流離而從橫舒息悒而增欷兮蹤履起  
而彷徨投長袂以自翳兮數昔日之讐殃無面目之可顯  
兮遂頽思而就牀搏芬若以為枕兮席荃蘭而蒞香忽寢  
寐而夢想兮魂若君之在傍惕寐覺而無見兮魂茫茫若

長門賦

有亡衆雞鳴而愁予兮起視月之精光觀衆星之行列兮  
畢昂出於東方望中庭之藹藹兮若季秋之降霜夜漫漫  
其若歲懷鬱鬱其不可再更澹偃蹇而待曙兮荒亭亭而  
復明妾人竊自悲傷兮究年歲而不敢忘

子虛賦

楚使子虛使於齊齊王悉發境內之士備車騎之衆與使  
者出畋畋罷子虛過說焉有先生而亡是公存焉坐定焉  
有先生問曰今日畋樂乎子虛曰樂獲多乎曰少然則何  
樂對曰僕樂齊王之欲誇僕以車騎之衆而僕對以雲夢  
之事也曰可得聞乎子虛曰可王駕車千乘選徒萬騎畋  
於海濱列卒滿澤罟網彌山掩兔轉鹿射麋脚麟鶩於鹽

樛音碧反

音旻  
劫音勳  
而分反

浦割鮮染輪射中獲多矜而自功顧謂僕曰楚亦有平原  
廣澤遊獵之地饒樂若此者乎楚王之獵孰與寡人乎僕  
下車對曰臣楚國之鄙人也幸得宿衛十有餘年時從出  
遊遊於後園覽於有無然猶未能徧覩也又焉足以言其  
外澤者乎齊王曰雖然略以子之所聞見而言之僕對曰  
唯唯臣聞楚有七澤嘗見其一未觀其餘也臣之所見蓋  
特其小小者耳名曰雲夢雲夢者方九百里其中有山焉  
其山則盤紆峩鬱隆崇峯峯岑參差日月蔽虧交錯糾  
紛上干青雲罷池陂陀下屬江河其土則丹青赭堊雌黃  
白垺錫碧金銀衆色炫耀照爛龍鱗其石則赤玉玫瑰琳  
璚昆吾城劫玄厲硤石砥砢其東則有蕙圃蘅蘭蔭若射

子虛也

音斯

權側加反  
榜音郭  
艇以戰反  
龜巫朱反

干芎藭芎藭蓬蘽靡蕪諸栢巴苴其南則有平原廣澤  
降陁靡案衍壇曼緣以大江限以巫山其高燥則生葳蕤  
菴荔薛莎青蘋其埤濕則生藏菴蘼葭東藩彫胡蓮藕菰  
蘆菴藺軒于衆物居之不可勝圖其西則有湧泉清池激  
水推移外發芙蓉菱華內隱鉅山白沙其中則有神龜蛟  
鼉瑤瑁鼈鼉其北則有陰林巨樹榎栴豫樟桂椒木蘭檠  
離朱楊檀梨棗橘柚芬芳其上則有赤猿獲獐鷓鴣孔  
鸞騰遠射干其下則有白虎玄豹蝮蛇羆犴於是乎乃使  
專諸之倫手格此獸楚王乃駕馴駘之駟乘彫玉之輿靡  
魚鬣之橈旃曳明月之珠旗建干將之雄戟左烏號之彫  
弓右夏服之勁箭陽子驂乘織阿為御案節未舒即凌狡

天梁書院刻

天梁書院刻



轉音街  
餘音全  
師式乃反

執音劇

施以示反

呬呼甲反

撥良略反

雙音盤

兼楚江反

獸變蛩蛩麟距虛軼野馬轉駒駘乘遺風射游騏倏眇情  
淵雷動森至星流霆擊弓不虛發中必決皆洞曾達掖絕  
乎心繫獲若雨獸捨草蔽地於是楚王乃弭節徘徊翱翔  
容與覽乎陰林觀壯士之暴怒與猛獸之恐懼微執受詭  
彈觀衆物之變態於是鄭女曼姬被阿緡投紵縞雜織羅  
垂霧縠展積寒縵紆徐委曲鬱橈谿谷紛紛霏霏揚施戍  
削飛襪垂髻扶輿倚靡翕呬萃蒹下摩蘭蕙上拂羽蓋錯  
翡翠之歲綈繆繞玉綬眇眇忽忽若神仙之髮髯於是乃  
相與獠於蕙圃嬰姍勃窣而上乎金陽揜翡翠射駿驎微  
贈出纖繳施弋白鵠連駕鵝雙鶴下玄鶴加急而後發游  
於清池浮文鷁揚旌棹張翠帷建羽蓋網瑋瑁鉤紫貝樅

好虛馳

喝於邁反

磔苦蓋反

房乃轉反

金鼓吹鳴籥榜人歌聲流喝水蟲駭波鴻沸湧泉起奔物  
會磊石相擊硠硠磔磔若雷霆之聲聞乎數百里之外將  
息獠者擊靈鼓起烽燧車案行騎就隊纒乎淫淫般乎裔  
裔於是楚王乃登陽雲之臺泊乎無為澹乎自持勺藥之  
和具而後御之不若大王終日馳騁曾不下輿將割輪焯  
自以為娛臣竊觀之齊殆不如於是齊王無以應僕也焉  
有先生曰是何言之過也足下不遠千里來貺齊國王悉  
發境內之士備車騎之衆與使者出田乃欲勦力致獲以  
娛左右何名為夸哉問楚地之有無者願聞大國之風烈  
先生之餘論今足下不稱楚王之德厚而盛推雲夢以為  
高奢言淫樂而顯侈靡竊為足下不取也必若所言固非

楚國之美也。有而言之。是彰君之惡。無而言之。是害足下之信。彰君之惡。而傷私義。二者無一可也。而先生行之。必且輕於齊。而累於楚矣。且齊東渚鉅海。南有琅邪。觀乎成山。射乎之罘。浮渤海。游孟諸。邪與肅慎為鄰。右以暘谷為界。秋田乎青丘。彷徨乎海外。吞若雲夢者八九。於其會中。曾不帶芥。若乃儼瑰璋。異方殊類。珍怪鳥獸。萬端鱗萃。充物其中者。不可勝記。禹不能名。禹不能計。然在諸侯之位。不敢言遊戲之樂。苑囿之大。先生又見客。是以王辭而不復。何為無以應哉。

上林賦

亡是公听然而笑曰。楚則失矣。而齊亦未為得也。夫使諸

子虛賦

侯納貢者。非為財幣。所以述職也。封疆畫界者。非為守禦。所以禁淫也。今齊列為東藩。而外私肅慎。捐國踰限。越海而田。其於義固未可也。且夫二君之論。不務明君臣之義。正諸侯之禮。徒事爭遊戲之樂。苑囿之大。欲以奢侈相勝。荒淫相越。此不可以揚名發譽。而適足以貶君自損也。且夫齊楚之事。又焉足道乎。君未覩夫巨麗也。獨不聞天子之上林乎。左蒼梧。右西極。丹水更其南。紫淵徑其北。終始灞瀆。出入涇渭。鄠鎬潦滈。紆餘逶迤。經營乎其內。蕩蕩乎八川分流。相背而異態。東西南北。馳騫往來。出乎椒丘之闕。行乎洲淤之浦。經乎桂林之中。過乎泱泱之野。汨乎混流。順阿而下。赴隘峽之口。觸穹石。激堆埼。沸乎暴怒。洶湧

灑真

澗阻乞反

澗音音

音音利

音音利

音音利

澗吁急反

音音學

音音豆

音音音

音音音

音音音

音音音

音音音

音音音

音音音

音音音

音音音

音音音

音音音

音音音

上林賦

滂湃。澤沸。澗汨。偏側。泌澗。橫流。逆折。轉騰。激洌。滂淟。沉澆。穹隆。雲橈。宛渾。膠戾。踰波。趨沓。莅莅。下瀨。批巖。衝擁。奔揚。滯沛。臨坻。注壑。澆澆。霄墜。沈沈。隱隱。砰磅。訶磔。滴滴。滄滄。浴渠。鼎沸。馳波。跳沫。汨澗。漂疾。悠遠。長懷。寂寥。無聲。肆乎未歸。然後。灑滌。潢洋。安翔。徐回。習乎。高瀉。東注。太湖。衍溢。陂池。於是。乎蛟龍。赤螭。鮪鱮。漸離。鰓鮪。鯪魴。禺禺。魴鰈。捷鰭。掉尾。振鱗。奮翼。潛處。乎深巖。魚鼈。謹聲。萬物。衆夥。明月珠子的。皦江。靡。蜀石。黃礪。水玉。磊砢。磷磷。爛爛。采色。皓汗。叢積。乎其中。鴻鵠。鴟鴞。鴛鴦。屬玉。交精。旋目。煩鶩。庸。渠。箴。泚。鷓。盧。群。浮。乎其上。沈淫。泛濫。隨風。澹淡。與波。搖蕩。掩溥。水渚。唼唼。菁藻。咀嚼。菱藕。於是。乎崇山。轟轟。龍。從。雀。鬼。深。

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

音音甲反

林巨木。斬巖。參差。九峻。截薛。南山。峩峩。巖陀。巘。錡。推。委。崛。崎。振。溪。通。谷。蹇。產。溝。瀆。唘。呀。豁。開。阜。陵。列。隴。歲。窳。莫。鹿。丘。虛。掘。壘。隱。轡。鬱。嶮。登。降。阨。靡。陂。池。狎。豕。沈。溶。涉。鸞。散。渙。夷。陸。亭。阜。千。里。靡。不。被。築。掩。以。綠。蕙。被。以。泣。離。糝。以。蔭。蕪。雜。以。菑。萋。布。結。縷。櫛。戾。莎。揭。車。薔。蘭。橐。本。射。干。苾。薑。葉。荷。歲。橙。若。蓀。鮮。支。黃。礫。蔣。芋。青。蘋。布。瀨。閔。澤。延。蔓。太。原。廣。靡。廣。行。應。風。披。靡。吐。芳。揚。烈。郁。郁。菲。菲。衆。香。發。越。彤。璽。布。寫。晻。菱。以。菲。於是。乎。周。覽。泛。觀。縝。紛。軋。芴。芒。芒。恍。忽。視。之。無。端。察。之。無。涯。日。出。東。治。入。乎。西。陂。其。南。則。隆。冬。生。長。涌。水。躍。波。其。獸。則。獮。狻。貔。犛。沈。牛。塵。麋。赤。首。園。題。窮。奇。象。犀。其。止。則。盛。夏。含。凍。裂。地。涉。水。揭。河。其。獸。則。麒麟。角。端。駒。駮。橐。駝。

音音音

音音音

上林賦

驪子賢反  
馱音決  
駮音帝

幼伊糾反  
駮音反

接音奉  
撫而闡反  
馳羊氏反

倭古毀反  
於系葛反  
間烏可反

傑音差

蝮羊水反  
蝮奴高反  
衛音護  
穀呼谷反  
蝮音詭  
蝮音矯  
蝮音教反

蛩蛩驪駮馱驢駮於是乎離宮別館彌山跨谷高廊四  
注重坐明閣華棟璧璫鞏道灑屬步欄周流長途中宿奕  
峻築堂累臺增成巖窾洞房俯杳眇而無見仰攀榛而捫  
天奔星更於閨闈宛虹抱於楯軒青龍蜿蜒於東廂象輿  
婉蟬於西清靈囿燕於閒館倕佺之倫暴於南榮醴泉湧  
於清室通川過於中庭盤石振崖欽巖倚傾嵯峨嶻嶭刻  
削崢嶸玫瑰碧琳珊瑚叢生璿玉旁唐玳函文鱗亦瑕駮  
筍雜播其間朝采琬琰和氏出焉於是乎盧橘夏熟黃甘  
橙橘枇杷燃柿棹柰厚樸檉棗楊梅櫻桃蒲萄隱夫菓棣  
荅逖離支羅乎後宮列于北園馳丘陵下平原揚翠葉抗  
紫莖發紅華垂朱榮煌煌扈扈照曜鉅野沙棠檉櫨辛柎

上林賦

枰櫨留落胥邪仁頻并闔欖檀木蘭豫章女貞長千仞大  
連抱空條直暢實葉後林攢立叢倚連卷攔倦崔錯發骨  
坑衡間柯垂條扶踈落英幡纒紛溶節蓼猗柎從風瀏莅  
卉歛蓋象金石之聲管籥之音傑池比虎旋還乎後宮雜  
襲累集被山緣谷循坂下隰視之無端究之無窮於是玄  
媛素雌蝮獲飛蠅蛭蜩蠖螭衛胡穀蛇棲息乎其間長嘯  
哀鳴翩幡互經天驕枝格偃蹇杪顛踰絕梁騰殊撓捷垂  
條踔希間牢落陸離爛漫遠遷若此輩者數百千處娛游  
往來宮宿館舍庖厨不徙後宮不移百官備具於是乎背  
秋涉冬天子校獵秉鏐象六玉虬拖蜺旌靡雲旗前被軒  
後道游孫叔奉轡衛公參乘扈從橫行出乎四校之中鼓

文選卷之三

天梁書局

羅古六反  
腰鳥了反  
馬數鳥反

嚴鑄縱獠者江河為陸泰山為檣車騎雷起殷天動地先  
後陸離離散別追淫淫裔裔緣陵流澤雲布雨施生貔豹  
搏豺狼手熊羆足野羊蒙鷄蘇綺白虎被斑文跨野馬凌  
三峻之危下磧歷之坻徑峻赴險越壑厲水椎飛靡弄獬  
豸格蝦蛤鋌猛氏縉驥裏射封豕箭不苟害解脰陷腦弓  
不虛發應聲而倒於是乎乘輿弭節徘徊翱翔往來睨部  
曲之進退覽將帥之變態然後侵淫促節倏愛遠去流離  
輕禽蹙履狡獸轉白鹿捷狡兔軼赤電遺光耀追怪物出  
宇宙縉蕃弱滿白羽射游梟櫟飛遽擇肉而後發先中而  
命處弦矢分藝殪仆然後揚節而上浮凌驚風歷駭森栗  
虛無與神俱蘭玄鶴亂昆雞適孔鸞促鷄鷄拂翳鳥指鳳

踏因若

閩音湯  
鞞音塔

皇捷鷄雛掩焦鵬道盡塗殫迴車而還招搖乎懷佯降集  
乎北紘率乎直指晦乎反鄉歷石關歷封巒過鳩鵲望露  
寒下棠梨息宜春西馳宣曲濯鷓牛首登龍臺掩細柳觀  
士大夫之勤略鈞獵者之所得獲觀徒車之所蘭轅步騎  
之所蹂踏人臣之所蹈藉與其窮極踉矧驚憚警伏不被  
劊刃怖而死者他他藉藉填阡滿谷揜平彌澤於是乎游  
戲懈怠置酒乎顛天之臺張樂乎膠葛之寓撞千石之鐘  
立萬石之虜建翠華之旗樹靈鼉之鼓奏陶唐氏之舞聽  
葛天氏之歌千人唱萬人和山陵為之振動川谷為之蕩  
波巴俞宋蔡淮南干遮文成顛歌族居遞奏金鼓迭起鏗  
鎗闐鞞洞心駭耳荆吳鄭衛之聲韶護武象之樂陰淫案

天梁書院刻

行之音。鄙郢續紛。激楚結風。俳優侏儒。狄鞮之唱。所以娛  
耳目。樂心意者。麗靡爛漫於前。靡曼美色於後。若夫青琴  
嫵嫵。媼媼。纖弱曳獨。繭之禴。視眇閭。易以戍削。便珊。嬰屑  
與世殊。服芬芳。溫鬱。酷烈。淑郁。皓齒。粲爛。宜笑的。曉。長眉  
連娟。微睇。絲藐。色授魂與。心愉於側。於是酒中樂酣。天子  
芒然而思。似若有亡。曰。嗟乎。此太奢侈。朕以覽聽餘閑。無  
事棄日。順天道以殺伐。時休息於此。恐後世靡麗。遂往而  
不返。非所以為繼嗣。創業垂統也。於是乎乃解酒罷獵。而  
命有司曰。地可墾闢。悉為農郊。以瞻氓隸。頽墻填塹。使山  
澤之人。得至焉。實陂池而勿禁。虛宮館而勿招。發倉廩以

林賦

救貧窮。補不足。恤鰥寡。存孤獨。出德號。省刑罰。改制度。易  
服色。革正朔。與天下為始。於是歷吉日。以齋戒。襲朝服。乘  
法駕。建華旗。鳴玉鑾。游乎六藝之囿。馳騫乎仁義之塗。覽  
觀春秋之林。射狸首。兼騶虞。弋玄鶴。舞干戚。載雲罕。掩群  
雅。悲伐檀。樂樂。香修容乎禮園。翱翔乎書圃。述易道。放怪  
獸。登明堂。坐清廟。恣群臣。奏得失。四海之內。靡不受獲。於  
斯之時。天下大謔。向風而聽。隨流而化。卉然興道而遷義。  
刑錯而不用。德隆於三皇。而功羨於五帝。若此。故獮乃可  
喜也。若夫終日馳騁。勞神苦形。疲車馬之用。抗士卒之精。  
費府庫之財。而無德厚之恩。務在獨樂。不顧眾庶。忘國家  
之政。貪雉兔之獲。則仁者不由也。從此觀之。齊楚之事。豈

不哀哉地方不過千里而囿居九百是草木不得墾闢而  
民無所食也夫以諸侯之細而樂萬乘之所侈僕恐百姓  
被其充也於是二子愀然改容逡巡避席曰鄙人固陋不  
知忌諱乃今日見教謹受命矣

枚乘一首

菟園賦

修竹檀欒夾池水旋菟園並馳道臨廣衍長冗坂故徑於  
崑崙狼觀相物芴焉子有似乎西山西山隄隄卹焉隗隗  
崕路萎移崕巖絳從魏醜焉暴燥敷揚塵埃蛇龍奏林薄  
竹遊風踊焉秋風揚焉滿度度焉紛紛紜紜騰踊雲亂枝  
葉翬散摩來幡幡焉谿谷沙石涸波沸日爔浸疾東流連

子與滋通

諫音登

上林賦

焉麟麟陰發緒菲菲閭閭謹擾昆雞蜈蛙倉庚密切別鳥  
相離哀鳴其中若乃附巢塞鷺之傳於列樹也櫛櫛若飛  
雪之重弗麗也西望西山山鵲野鳩白鷺鶻桐鷓鴣鷓鴣  
翡翠鴝鵒守狗戴勝巢枝穴藏被塘臨谷聲音相聞喙尾  
離屬翱翔群熙交頸接翼闌而未至徐飛狺狺往來霞水  
離散而沒合疾疾紛紛若塵埃之間白雲也予之幽冥究  
之乎無端於是晚春早夏邯鄲襄國易陽之容麗人及其  
燕飾子相予雜選而往款焉車馬接軫相屬方輪錯轂接  
服何駢披銜跡躒自奮增絕怵惕騰躍水意而未發因更  
陰逐心相秩奔隧林臨河怒氣未竭羽蓋繇起被以紅沫  
濛濛若雨委雪高冠扁焉長劔閑焉左挾彈焉右執鞭焉

雅音麗  
雅音香

肥音移  
尾即髮字  
僧音頻  
與聲同

日移樂襄遊觀西園之芝芝成宮闕枝葉榮茂選擇純熟  
挈取含直復取其次顧賜從者於是從容安步闔雜走兔  
俛仰鈞射煎熬炮炙極樂到暮若乃夫郊采桑之婦人兮  
袿裼錯紆連袖方路摩眈長髮便娟數顧芳温往來接神  
連未結已諾不分縹緲進靖儂笑連便不可忍視也於是  
婦人先稱曰春陽生兮萋萋不才子兮心哀見嘉客兮不  
能歸桑萎蠶飢中人望柰何

王褒一首

洞簫賦

原夫簫幹之所生兮于江南之丘墟洞條暢而罕節兮標  
敷紛以扶疏徒觀其傍山側兮則嶇嶇巋倚巖陁嶮誠

涸音陌  
徽勅鱗反  
榘勅緣反

栝女立反

可悲乎其不安也彌望儻莽聯延曠蕩又足樂乎其敞閑  
也託身軀於厚土兮經萬載而不遷吸至精之滋熙兮稟  
蒼色之潤堅感陰陽之變化兮附性命乎皇天翔風蕭蕭  
而逕其末兮迴江流川而漑其山揚素波而揮連珠兮聲  
磔磔而注淵朝露清冷而墮其側兮玉液浸潭而承其根  
孤雌寡鵠娛優乎其下兮春禽群嬉翱翔乎其巔秋蛩不  
食抱樸而長吟兮玄猿悲嘯搜索乎其間處幽隱而與屏  
兮密嶼涸以徹榘惟詳察其素體兮宜清靜而弗諠幸得  
謚為洞簫兮蒙聖王之渥恩可謂惠而不費兮因天性之  
自然於是般匠施巧夔襄准法帶以象牙提其會合鍤鏤  
離灑絳脣錯雜鄰菌繚糾鱗羅捷獵膠緻理比挹拊搯拵



詭奴谷反

吻無粉反  
吻詞交反

遼知律反

嚶音吸

震助立反

嚶雷燿捷

衆聲疾貌

鏤五錦反

逆昵凜反

迭他庚反  
滑也

於是乃使夫性昧之宕冥生不覩天地之體勢聞於白黑  
 之貌形憤伊鬱而酷醜愍眸子之喪精寡所舒其思慮兮  
 專發憤乎音聲故吻吮胡以紆鬱氣旁迂以飛射兮馳散渙以  
 狃以順吹兮噴啞胡以紆鬱氣旁迂以飛射兮馳散渙以  
 遼律趨縱容其勿述兮鶩合選以詭譎或渾沌而潺湲兮  
 攏若枚折或漫衍而駱驛兮沛焉競軼慄慄密率掩以絕  
 滅嚶雷燿捷跳然復出若乃徐聽其曲度兮廉察其賦歌  
 啾必啾而將吟兮行鏗鉅以和囉風洪洞而不絕兮優嫵  
 嫵以婆娑翩翾聯以牢落兮漂乍棄而為他要復遮其蹊  
 徑兮與謳謠乎相和故聽其巨音則周流泛濫并包吐含  
 若慈父之畜子也其妙聲則清靜默應順叙卑迭若孝子

同篇韻

激蘇表反

雙音談

之事父也科條譬類誠應義理澎濞沆瀣一何壯士優柔  
 溫潤又似君子故其武聲則若雷霆較轉佚豫以沸渭其  
 仁聲則若凱風紛披容與而施惠或雜選以聚斂兮或拔  
 擻以奮棄悲愴况以惻愷兮時恬淡以綏肆被淋灑其靡  
 靡兮時橫潰以陽遂哀悄悄之可懷兮良醪醴而有味故  
 貪饕者聽之而廉隅狼戾者聞之而不懟剛毅彊暴反仁  
 恩兮蹕啞逸豫戒其矢鍾期牙曠悵然而愕立兮杞梁之  
 妻不能為其氣師襄嚴春不敢竄其功兮浸淫叔子兮遠  
 其類器頑朱均惕復慧兮桀跖鬻博儂以頓悴吹參差而  
 入道德兮故宋御而可貴時奏狡弄則彷徨翱翔或留而  
 不行或行而不留悼悵瀾漫亡偶失疇薄索合選罔象相

雖余滯反

此徒本反  
義所加反

求故知音者樂而悲之不知音者怪而偉之故其為悲聲  
則莫不愴然累歎撇涕拭淚其奏歡娛則莫不憚漫行凱  
阿那瘠瘵者已是以蹙蟀斥蠖跛行喘息蟻蟻蠅蠅蠅  
翊翊遷延徙迤魚瞰雞睨垂喙宛轉瞪瞢忘食况感陰陽  
之和而化風俗之倫哉亂曰狀若捷武超騰踰跽迅漂巧  
兮又似流波泡洩泛漉趨巖道兮哮呷咳喚躑躅連絕渥  
殄此兮攬挾溥捐逍遙踊躍若壞頽兮優游流離躊躇稽  
詁亦足耽兮墮唐遂往長辭遠逝漂不還兮賴蒙聖化從  
容中道樂不淫兮條暢洞達中節操兮終詩卒曲尚餘音  
兮吟氣遺往聯絲飄撇生微風兮聯延駱驛變無窮兮

斑婕妤二首

自悼賦

承祖考之遺德兮何性命之淑靈登薄軀於宮闕兮充下  
陳於後庭蒙聖皇之渥惠兮當日月之盛明揚光烈之翕  
赫兮奉隆寵於增成既過幸於非位兮竊庶幾乎嘉時每  
寤寐而繁息兮申佩離以自思陳女圖以鏡監兮顧女史  
而問詩悲晨婦之作戒兮哀襄閭之為郵美皇英之女虞  
兮榮姪姒之母周雖愚陋其靡及兮敢舍心而忘茲歷年  
歲而悼懼兮閔蕃華之不滋痛陽祿與柘館兮仍襁褓而  
離灾豈妾人之殃咎兮將天命之不可求白日忽已移光  
兮遂暝莫而昧幽猶被覆載之厚德兮不廢捐於罪郵奉  
共養於東宮兮託長信之末流共洒掃於帷幄兮未終死

以為期願歸骨於山足兮依松柏之餘休重曰潛玄宮兮  
幽以清應門閉兮禁闥扃華殿塵兮玉階治中庭萋兮綠  
草生廣室陰兮帷殿暗房櫳虛兮風泠泠感惟裳兮發紅  
羅紛綵絲兮紈素聲神眇眇兮密靚處君不御兮誰為榮  
俯視兮丹墀思君兮履綦仰視兮雲屋雙涕兮橫流顧左  
右兮和顏酌羽觴兮銷憂惟人生兮一世忽已過兮若浮  
已獨享兮高明處民生兮極休勉虞精兮極樂與福祿兮  
無期祿衣兮白華自古兮有之

擣素賦

測平分以知歲酌玉衡之初臨見禽華以庶色聽霜鶴之  
傳音佇風軒而結睇對愁雲之浮沉雖松梧之貞脆豈榮

自虛賦

彫其異心若乃廣儲懸月暉水流清桂露朝滿涼於夕輕  
燕萋含蘭而未吐趙女抽簧而絕聲改容飾而相命卷霜  
帛而下庭曳羅裙之綺靡振珠珮之精明若乃盼睐生姿  
動容多製弱態含羞妖風靡麗皎若明魄之升崖煥若荷  
華之昭晰調鈿無以玉其貌凝朱不能異其脣勝雲霞之  
邇日似飛李之向春紅黛相媚綺組流光笑笑移妍步步  
生芳兩鬢如點雙眉如張頰肌柔液音性閑良於是投香  
杵扣玳砧擇鸞聲爭鳳音梧因虛而調遠桂由貞而響沉  
散繁輕而浮捷節踈亮而清深含笙揔筑比玉兼金不填  
不箎匪瑟匪琴或旋環而紆鬱或相參而不雜或將往而  
中還或已離而復合翔鴻為之徘徊落英為之颯沓調非

常律聲無定本任落手之參差從風颺之遠近或連躍而更投或暫舒而長卷清寡鸞之命群哀離鶴之歸晚當是時也鍾期改聽伯牙弛琴桑間絕響濮上傳音蕭史編管以擬吹周王調笙以象吟若乃窈窕姝妙之季幽閑貞專之性符皎日之心甘首疾之病歌采綠之章發東山之詠望明月而撫心對秋風而掩鏡閱絞練之初成擇玄黃之妙匹準華裁於昔時疑形異於今日想驕奢之或至許椒蘭之多術慙陋製之無韻慮娥眉之為愧懷百憂之盈抱空千里兮飲淚修長袖於妍袂綴半月於蘭襟表纖手於微縫庶見跡而知心訖汭路之遐愛烈芬芳之易泄書旣封而重題笥已緘而更結慙行客而無言還空房而掩咽

文選增定卷第二

精索賦

文選增定卷第三

賦一十首

楊雄四首

甘泉賦

孝成帝時客有薦雄文似相如者上方郊祀甘泉泰畤汾陰后土以求繼嗣名雄待詔承明之庭正月從上甘泉還奏甘泉賦以風其詞曰

惟漢十世將郊上玄定泰畤擁神休尊明號同符三皇錄功五帝卹胤錫羨拓迹開統於是廼命群僚歷吉日協靈辰星陳而天行詔招搖與太陰兮伏鉤陳使當兵屬堪輿以壁壘兮梢夔魑而扶獠狂八神奔而警蹕兮振殷鞞而

臚音虛  
扶丑栗反

猶筆反

尊慈損反

僂音勇  
忽音忽

軍裝蚩尤之倫帶干將而秉玉戚兮飛蒙茸而走陸梁齊  
總總以尊尊其相膠轄兮森駭雲迅雷以方攘駢羅列布  
鱗以雜沓兮侏僂參差魚頡而鳥旰翕赫矧霍霧集而蒙  
合兮半散照爛粲以成章於是乘輿廼登夫鳳皇兮而翳  
華芝駟蒼螭兮六素虬夔略緹綏離乎慘纏帥爾陰閉雲  
然陽開騰清霄而軼浮景兮夫何旗旄郅偁之旖旎也流  
星旌以電燭兮咸翠蓋而鸞旗屯萬騎於中營兮方玉車  
之千乘聲駢隱以陸離兮輕先疾雷而馭遺風臨高衍之  
崿峻兮超紆譎之清澄登椽欒而狝天門兮馳閶闔而入  
凌競是時未臻夫甘泉也廼望通天之繹繹下陰潛以慘  
慄兮上洪紛而相錯直嶢嶢以造天兮厥高慶而不可乎

甘泉賦

狝音貢

彌度反

駭音頗  
駭音義

彌度平原唐其壇漫兮列新莫於林薄攢并閭與茨括兮  
紛被麗其無鄂崇丘陵之駸駸兮深溝崑巖而為谷往往  
離宮般以相瀾兮封巒石關迤靡乎連屬於是大厦雲譎  
波詭摧囀而成觀仰矯首以高視兮目冥眴而無見正瀏  
濫以弘恂兮指東西之漫漫徒徊徊以徨徨兮魂魄眇眇  
而昏亂據軫軒而周流兮忽軼軋而無垠翠玉樹之青葱  
兮璧馬犀之璘璠金人仡其承鍾虞兮嵌巖巖其龍鱗揚  
光曜之燎燭兮畫景炎之炘炘配帝宮之懸圃兮象太一  
之威神洪臺岬其獨出兮楛北極之嶸嶸列宿乃施於上  
榮兮日月纒經於挾振雷鬱律於巖窅兮電倏忽於墻藩  
鬼魅不能自逮兮半長途而下顛歷倒景而絕飛梁兮浮

聖書

聖書

巖他賄反

報音披

副居綺反  
副居德反

蛟螭而傲天左櫬槍而右玄冥兮前燁闕而後應門陰西  
 海與幽都兮涌醴汨以生川蛟龍連卷於東厓兮白虎屯  
 園乎岷嶠覽穆流於高光兮溶彷彿於西清前殿崔巍兮  
 和氏瓏玲抗浮柱之飛椽兮神莫莫而扶傾闐闐其寥  
 廓兮似紫宮之崢嶸駢交錯而曼衍兮峻崑崙乎其相嬰  
 乘雲閣而上下兮紛蒙籠以混成曳虹采之流離兮颺翠  
 氣之宛延襲璇室與傾宮兮若登高眺而遠肅乎臨淵迴  
 焮肆其盪駭兮披桂椒而鬱移楊香芬第以穹隆兮擊楹  
 櫨而將榮蕤咲盼以棍批兮聲駢隱而歷鍾排玉戶而颺  
 金鋪兮發蘭蕙與苔藟帷首彌環其拂汨兮稍暗暗而靚  
 深陰陽清濁穆羽相和兮若護牙之調琴般僊棄其副厥

甘泉賦

兮王蘭投其鉤繩維方征僑與偃佺兮猶髣髴其若夢於  
 是事變物化目駭耳迴蓋天子穆然珍臺間館璇題玉英  
 蠶蛸蠶渡之中惟天所以澄心清魂儲精垂思迺感動天  
 地并釐三神者迺搜述索偶臯伊之徒冠倫魁能函甘棠  
 之惠挾東征之意相與齊乎陽靈之宮靡薛荔而為席兮  
 折瓊枝以為芳吸清雲之流霞兮飲若木之露英集乎禮  
 神之園登乎頌祗之堂建光耀之長旂兮昭華覆之威威  
 攀璇璣而下視兮行遊目乎三危陳衆車於東阨兮肆玉  
 軌而下馳漂龍淵而還九垓兮窺地底而上迴風淙淙而  
 扶轄兮鸞鳳紛其銜紉梁弱水之澗澗兮躡不周之逶迤  
 想管王母欣然而上壽兮屏玉女而却處妃玉女無所眺

洪頤旌名  
配後指披  
離也  
離方幽反

離與載同

其清臚兮處妃曾不得施其蛾眉方攬道德之精剛兮伴  
神明與之為資於是欽柴宗祈燎薰皇天招搖太一舉洪  
頤樹靈旗樵蒸焜上配蒸四施東爨滄海西耀流沙北燠  
幽都南煬丹涯玄瓚觚觶和鬯泔淡肸蠃豐融懿懿芬芬  
炎感黃龍兮燁訛碩麟選巫咸兮叫帝閭開天庭兮延群  
神儼暗藹兮降清壇瑞穰穰兮委如山於是事畢功弘迴  
車而歸度三巒兮偈棠黎天閭決兮地垠開八荒協兮萬  
國諧登長平兮雷鼓磕天聲起兮勇士厲雲飛揚兮雨露  
霈于胥德兮麗萬世亂曰崇崇園丘隆隱天兮登降崩施  
單墀垣兮增宮參差駢嵯峨兮嶺嶮嶮峭洞無涯兮上天  
之緯杳旭卉兮聖皇穆穆信厥對兮來祗郊禋神所依兮

甘泉賦

徘徊招搖靈棲遲兮輝光眩耀降厥福兮子子孫孫長無  
極兮

河東賦

伊年暮春將瘞后土禮靈祗謁汾陰於東郊因茲以勒崇  
垂鴻發祥隕祉欽若神明者盛哉鑠乎越不可載已於是  
命群臣齊法服整靈輿迺撫翠鳳之駕六先景之東掉犇  
星之流旃馭天狼之威弧張耀日之玄旌揚左纛被雲梢  
奮雷鞭驟雷輜鳴洪鍾建五旗羲和司日頽倫奉輿風發  
颯拂神騰鬼趨千乘靈亂萬騎屈播嚶嚶旭旭天地稠叢  
簸丘跳巒通渭躍涇秦神下警路魂負汾河靈矍躅瓜華  
蹈衰遂臻陰宮穆穆肅肅蹲蹲如也靈祗既鄉五位時叙

離音離  
離紀消反



脈古花反  
脈也

網緼玄黃將紹厥後於是靈輿安步周流容與以覽虜介  
山嗟文公而愍樵兮勤大禹於龍門灑沈滫於豁瀆兮播  
九河於東瀕登歷觀而遙望兮聊游浮以經營樂往督之  
遺風兮喜虞代之所畊駁帝唐之嵩高兮眇隆周之大寧  
汨低回而不能去兮行睨垓下與彭城澱南巢之坎坳兮  
易函岐之夷平乘翠龍而超河兮陝西岳之嶢嶠雲靈霏  
而來迎兮澤滲瀉而下降鬱蕭條其幽藹兮滂汎沛以豐  
隆叱風伯於南北兮呵雨師於西東參天地而獨立兮廓  
濛濛其二雙遵逝虜歸來以函夏之大漢兮彼何足與比  
功建乾坤之貞垤兮將悉總之以群龍麗鈞芒與駮辱枚  
兮服玄冥及祝融敷衆神使式道兮奮六經以據頌諭於

河東賦

穆之緝熙今過清廟之雖雖軼五帝之遐迹兮躡三皇之  
高蹤既發軔於平盈兮誰謂路遠而不能從

羽獵賦

孝成帝時羽獵雄從以為管在二帝三王宮館臺榭沼池  
苑囿林麓藪澤財足以奉郊廟御賓客充庖厨而已不奪  
百姓膏腴穀土桑柘之地女有餘布男有餘粟國家殷富  
上下充足故甘露零其庭醴泉流其唐鳳皇巢其樹黃龍  
遊其治麒麟臻其囿神爵棲其林管者禹任益虞而上下  
和草木茂成湯好田而天下用足文王囿百里民以為尚  
小齊宣王囿四十里民以為泰大裕民之與奪民也武帝  
廣關上林東南至宜春鼎湖御宿昆吾旁南山西至長楊

天梁書院刻

天梁書院刻

侍舊

五柞北繞黃山濱渭而東周袤數百里穿崑崙池象滇河  
營建章鳳闕神明駁姿漸臺太液象海水周流方丈瀛洲  
蓬萊遊觀侈靡窮妙極麗雖頗割其三垂以贍齊民然至  
羽獵甲車戎馬器械儲侍禁藥所營尚泰奢麗誇詡非堯  
舜成湯文武三驅之意又恐後業復修前好不折中以泉  
臺故聊因校獵賦以風其辭曰

或稱羲農豈或帝王之彌文哉論者云否亦並時而得宜  
奚必同條而共貫則泰山之封焉得七十而有二儀是以  
創業垂統者俱不見其爽遐邇通五三孰知其是非遂作頌  
曰麗哉神聖處於玄宮富既與地乎侔貴貴正與天乎比  
崇齊桓曾不足使扶轂楚嚴未足以為駭乘挾三王之阨

羽獵賦

僻矯高舉而大興歷五帝之窳廓陟三皇之登闕建道德  
以為師友仁義與之為朋於是玄冬季月天地隆烈萬物  
權輿於內殂落於外帝將惟田于靈之囿開北垠受不周  
之制以終始顓頊玄冥之統乃詔虞人典澤東延昆鄰西  
馳閭闔儲積共侍戎卒夾道斬叢棘夷野草禦自汧渭經  
營灃瀉章皇周流出入日月天與地沓爾迺虎落三峻以  
為司馬闡經百里而為殿門外則正南極海邪界虞淵鴻  
濛沆茫碣以崇山營合圍會然後先置乎長楊之南昆明  
靈沼之東貴育之倫蒙楨負羽杖鏌鋹而羅者以萬計其  
餘荷垂天之畢張竟壘之眾靡日月之朱竿曳彗星之飛  
旗青雲為紛虹蜺為縹屬乎崑崙之墟渙若天星之羅浩

新音  
舊音

如濤水之波淫淫與與前後要遮樓槍為闡明月為候榮  
或司命天弧發射鮮扁陸離駢行必路徽車輕武鴻網捷  
獵殷殷軫軫被陵緣坂窮冥極遠者相與列乎高原之上  
羽騎營營分殊事續紛往來輻輳不絕若光若滅者布  
乎青林之下於是天子乃以陽朝始出乎玄宮撞鴻鐘建  
九旒六白虎載靈輿蚩尤並轂蒙公先驅之歷天之旗曳  
捎星之旃霹靂列缺吐火施鞭萃從沈溶淋漓廓落戲八  
鎮而開關飛廉雲師吸囂滿率鱗羅布列櫜以龍翰歎歎  
蹌蹌入西園切神光望平樂徑竹林蹂蕙圃踐蘭唐舉烽  
烈火變者施伎方馳千駟校騎萬師虓虎之陣從橫膠轕  
森拉雷厲續駢駢盪洶洶旭旭天動地岷美漫半散蕭條

新音  
舊音

數千里之外若夫壯士忼慨殊向別趣東西南北騁嗜奔  
欲控蒼豨跋犀犛蹶浮糜斲巨狹搏玄援騰空虛岨連卷  
蹕天躡嬉間莫莫紛紛山谷為之風森林叢為之生塵  
及至獲夷之徒蹶松栢掌羨蒸獵蒙籠輕飛屢般首帶  
修蛇鉤赤豹牽象犀趾巒阮趨唐陂車騎雲會登降閭闔  
泰華為旒熊耳為綴木仆山還漫若天外儲與乎大溥聊  
浪乎宇內於是天清日晏逢蒙列皆羿氏控弦皇車幽輶  
光純天地望舒弭轡翼乎徐至於上蘭移圍徙陣浸淫楚  
部曲隊堅重各案行伍壁壘天旋神扶電擊逢之則碎近  
之則破鳥不及飛獸不得過軍驚師駭刮野掃地及至罕  
車飛揚武騎聿皇蹈飛豹縉喙陽追天寶出一方應駢聲

標煩效反  
擊女加反

擊流光野盡山窮囊括其雌雄沈沈溶溶遙矚乎絃中三  
軍芒然窮冗閑與但觀夫標禽之紕踰犀兕之抵觸熊羆  
之擊攫虎豹之凌遽徒角槍題注蹙竦聳怖魂亡魄失觸  
輻關胆妄發期中進退履獲創淫輪夷丘累陵聚於是禽  
殫中衰相與集於靖冥之館以臨珍池濯以岐梁溢以江  
河東瞰目盡西暢亡涯隨珠和氏焯爍其波玉石罽崆炫  
耀青瑩漢女水潛怪物暗冥不可殫形玄鸞孔雀翡翠垂  
榮玉睢關關鴻鴈嚶嚶群嬉乎其中噍噍昆明鳧鷖振鷺  
上下砰礚聲若雷霆乃使文身之伎水格鱗蟲凌堅冰犯  
嚴淵探巖排碕薄索蛟螭蹈獺獺據鼉鼉祛靈鷲入洞穴  
出蒼梧乘鉅鱗騎鯨魚浮彭蠡目有虞方椎夜光之流離

羽儀賦

剖明月之胎珠鞭洛水之虛妃餉屈原與彭胥於茲乎鴻  
生鉅儒俄軒冕雜衣裳修唐典匡雅頌揖讓於前昭光振  
耀響忽如神仁聲惠於北狄武誼動於南鄰是以旃裘之  
王胡貉之長移珍來享抗手稱臣前入圍口後陳廬山群  
公常伯楊朱墨翟之徒喟然並稱曰崇哉乎德雖有唐虞  
大夏成周之隆何以侈茲夫古之覲東岳禪梁基捨此世  
也其誰與哉上猶謙讓而未俞也方將上獵三靈之流下  
決醴泉之滋發黃龍之穴窺鳳皇之巢臨麒麟之囿幸神  
雀之林奢雲夢侈孟諸非章華是靈臺罕徂離宮而輟觀  
遊士事不飾木功不彫蒸民乎農桑勸之以弗怠儕男女  
使莫違恐貧窮者不徧被洋溢之饒開禁苑散公儲制道

文選卷之六十三

大梁書院刻

德之囿弘仁惠之虞馳弋乎神明之囿覽觀乎群臣之有  
亡放雉兔收置罟糜庶蕩蕩與百姓共之蓋所以臻茲也  
於是醇洪暢之德豐茂世之規加勞三皇勗勤五帝不亦  
至乎乃祗莊雍穆之徒立君臣之節崇賢聖之業未遑苑  
囿之麗遊獵之靡也因迴軫還衡背阿房反未央

長楊賦

明季上將大誇胡人以多禽獸秋命右扶風發民入南山  
西自褒斜東至弘農南驅漢中張羅網置罟捕熊羆豪豬  
虎豹狢獾狐兔糜鹿載以檻車輸長楊射熊館以網為周  
陸縱禽獸其中令胡人手搏之自取其獲上親臨觀焉是  
時農民不得收斂雄從至射熊館遂上長楊賦聊因筆墨

初擬賦

之成文章故藉翰林以為主人子墨為客卿以諷其辭曰  
子墨客卿問於翰林主人曰盍聞聖主之養民也仁霽而  
恩洽動不為身今季獵長楊先命右扶風左大華而右褒  
斜極巖薛而為弋紆南山以為置羅千束於林奔列萬騎  
於山隅帥軍萃陸錫戎獲胡搃熊羆拖豪豬木擁槍纍以  
為儲胥此天下之窮覽極觀也雖然亦頗擾于農人三旬  
有餘其勤至矣而功不圖恐不識者外之則以為娛樂之  
遊內之則不以為乾豆之事豈為民乎哉且人君以玄默  
為神澹泊為德今樂遠出以露威靈數搖動以疲車甲本  
非人主之急務蒙竊惑焉翰林主人曰吁客何謂茲邪若  
客所謂知其一未覩其二見其外不識其內也僕嘗倦其

妄為野友  
察音庚  
妄為野友  
皆獸名

談不能一二其詳請略舉其凡而客自覽其切焉客曰唯  
唯主人曰咎有彊秦封豕其土竅窳其民鑿齒之徒相與  
磨牙而爭之豪俊糜沸雲擾群黎為之不康於是上帝眷  
顧高祖高祖奉命順斗極運天關橫巨海漂崑崙提劍而  
叱之所過糜城斬邑下將降旗一日之戰不可殫記當此  
之勤頭蓬不暇梳飢不及食鞮整生蟣蝨介冑被霑汗以  
為萬姓請命乎皇天廼展民之所屈振民之所乏規億載  
恢帝業七季之間而天下密如也逮至聖文隨風乘流方  
雷意於至寧躬服節儉綿衣不弊革鞜不穿大廈不居木  
器無文於是後宮賤瑇瑁而踈珠璣却翡翠之飾除雕琢  
之巧惡麗靡而不近斥芬芳而不御抑止絲竹宴衍之樂

輶音汾

輶於云反  
輶輶句奴  
車名

領音蛤

輶音非反

憎聞鄭衛幼眇之聲是以玉衡正而太階平也其後重鬻  
作虐東夷橫叛羌戎睚眦閩越相亂遐氓為之不安中國  
蒙被其難於是聖武勃怒爰整其旅乃命驃衛汾沅沸渭  
雲合雷發颺騰波流機駭蜂軼疾如奔星擊如雷霆碎輶  
輶破穹廬腦沙漠髓余吾遂獵乎王庭驅橐駝燒烜蠡分  
黎單于磔裂屬國夷坑谷跋鹵莽刊山石蹂屍輿斯係累  
老弱吮鉅癩者金鏃淫夷者數十萬人皆稽顙樹領匍匐  
蟻伏二十餘季尚不敢惕息夫天兵四臨幽都先加廻戈  
邪指南越相夷靡節西征羌黠東馳是以遐方䟽俗殊鄰  
絕黨之域自上仁所不化茂德所不綏莫不矯足抗手請  
獻厥珍使海內澹然永無邊城之災金革之患今朝廷純

仁遵道顯義并包書林聖風雲靡英華沈浮洋溢八區晉  
天所覆莫不沾濡士有不談王道者則樵夫笑之意者以  
為事罔隆而不殺物靡盛而不虧故平不肆險安不忘危  
乃時以有季出兵整輿竦戎振師五柞習馬長楊簡力狡  
獸校武影禽乃萃然登南山瞰烏弋西暨月窟東震日域  
又恐後代迷於一時之事常以此為國家之大務淫荒畋  
獵陵夷而不禦也是以車不安軻日未靡旃從者髣髴委  
屬而還亦所以奉太尊之烈遵文武之度復三王之田反  
五帝之虞使農不輟耰工不下機婚姻以時男女莫違出  
愷悌行簡易矜劬勞休力役見百季存孤弱帥與之同苦  
樂然後陳鍾鼓之懸鳴鞀磬之和建碣磬之虞夏擊鳴球

長楊賦

掉八列之舞酌允鑠肴樂胥聽廟中之雍雍受神人之福  
祐歌投頌吹合雅其勤若此故真神之所勞也方將俟元  
符以禪梁父之基增泰山之高延光于將來比榮乎往號  
豈徒欲淫覽浮觀馳騁秔稻之地周流黎粟之林蹂踐芻  
蕘誇詡衆庶盛狄獲之收多糜庶之獲哉且盲者不見咫尺  
而離婁燭千里之隅客徒愛胡人之獲我禽獸曾不知  
我亦將已獲其王侯言未卒墨客降席再拜稽首曰大哉  
體乎允非小人之所能及也乃今日發蒙廓然已昭矣

劉歆一首

遂初賦

晉遂初之顯祿兮遭閭闔之開通躋三台而上征兮入北

辰之紫宮備列宿於鉤陳兮擁太常之樞極揔六龍於駟  
房兮奉華蓋於帝側惟太階之侈闊兮機衡為之難運懼  
魁杓之前後兮遂隆集於河濱遭陽侯之豐沛兮乘素波  
以聊戾得玄武之嘉兆兮守五原之烽燧二乘駕而旣俟  
僕夫期而在涂馳太行之嚴防兮入天井之喬關歷崗岑  
以升降兮馬龍騰以起據舞雙駟以優遊兮濟黎侯之舊  
居心滌蕩以慕遠兮廻高都而北征劇彊秦之暴虐兮吊  
趙括於長平好周文之嘉德兮躬尊賢而下士騫駟馬而  
觀風兮慶辛甲於長子哀衰周之失權兮數辱而莫扶執  
孫蒯于屯留兮救王師於余吾過下虎而歎息兮悲平公  
之作臺背宗周而不卹兮苟偷樂而隋怠枝葉落而不省

遂解

兮公族聞其無人曰不悛而俞甚兮政委棄於家門載約  
履而正朝服兮降皮弁以為履寶礫石於廟堂兮面隋和  
而不眠始建裘而造亂兮公室由此遂卑憐後君之寄寓  
兮唁靖公於銅鞮越侯田而長驅兮釋叔向之飛患悅善  
人之有救兮勞祁奚於太原何叔子之好直兮為群邪之  
所惡賴祁子之一言兮幾不免乎徂落霍美不必為偶兮  
時有羞而不相及雖韞寶而求賈兮嗟千載其焉合管仲  
尼之淑聖兮竟隘窮乎蔡陳彼屈原之貞專兮卒放沈於  
湘淵何方直之難容兮柳下黜而三辱蘧瑗抑而再犇兮  
豈材知之不足揚鬚眉而見妬兮固醜女之情也曲木惡  
直繩兮亦小人之誠也以夫子之博觀兮何此道之必然



空下時而矐世兮自命已之取患悲積習之生常兮固明  
 智之所別叔群既在阜隸兮六卿與而為桀荀寅肆而顯  
 恣兮吉射叛而擅兵憎人臣之若茲兮青趙鞅於晉陽軼  
 中國之都邑兮登句注以陵厲雁門而入雲中兮超絕  
 轍而遠逝濟臨沃而遙思兮垂意乎邊都野蕭條以寥廓  
 兮陵谷錯以盤紆飄寂寥以荒眇兮沙埃起而杳冥迴風  
 育其飄忽兮迴颭颭之泠泠薄涸凍之凝滯兮第谿谷之  
 清涼漂積雪之皚皚兮涉疑露之隆霜揚電霰之復陸兮  
 慨原泉之凌陰激流澌之漻漻淚窺九淵之潛淋颭悽愴以  
 慘怛兮慄風漻以列寒獸望浪以穴竄兮鳥脇翼之淩淩  
 山蕭瑟以鷓鳴兮樹木壞而哇吟地坼裂而憤忽急兮石

捌破之岳岳天烈烈以厲高兮廖瑋窻以臬罕鴈豳豳以  
 遲遲兮野鸛鳴而嘈嘈望亭隧之皦皦兮飛旗幟之翩翩  
 回百里之無家兮路修遠之綿綿於是勒障塞而固守兮  
 奮武靈之精誠據趙奢之策慮兮威謀完乎金城外折衝  
 以無虞兮內撫民以求寧既豈容以自得兮唯惕懼於竺  
 寒攸潛温之玄室兮滌濁穢於太清反情素於寂漠兮居  
 華體之冥冥玩書琴以條暢兮考性命之變態運四時而  
 覽陰陽兮揆萬物之珍怪雖窮天地之極變兮曾何足乎  
 留意長恬淡以懽娛兮固賢聖之所喜亂曰處幽潛德含  
 聖神兮抱竒內光自得真兮寵幸浮寄竒無常兮寄之去  
 留亦何傷兮大人之度品物齊兮舍位之過忽若遺兮求

竺寒猶隆  
寒也

位得位固其常兮守信保已比老彭矣

班彪一首

北征賦

余遭世之顛覆兮罹填塞之阨灾  
舊室滅以丘墟兮曾不得乎少留  
遂奮袂以北征兮超絕迹而遠遊  
朝發軔於長都兮夕宿鄠谷之玄宮  
歷雲門而反顧望通天之崇崇  
乘陵岡以登降息郇邠之邑鄉  
慕公劉之遺德及行葦之不傷  
彼何生之優渥我獨罹此百殃  
故時會之變化兮非天命之靡常  
登赤湏之長坂入義渠之舊城  
忿戎王之淫狡穢宣后之失貞  
嘉秦昭之討賊赫斯怒以北征  
紛吾去此舊都兮騑遲遲以歷茲  
遂舒節以遠逝兮指安足以為期

遂初賦 北征賦

涉長路之繇繇兮遠紆迴以樛流  
過泥陽而太息悲祖廟之不修  
釋余馬於彭陽兮且弭節而自思  
日晡晡其將暮兮覩牛羊之下來  
寤怨曠之傷情兮哀詩人之歎時  
越安定以容與兮遵長城之漫漫  
劇蒙公之疲民兮為疆秦乎築怨  
捨高亥之切憂兮事蠻狄之遼患  
不耀德以綏遠兮顧厚固而繕藩  
首身分而不寤兮猶數功而辭讐  
何夫子之妄託兮孰云地脉而生  
殘登障隧而遙望兮聊湏臾以婆  
娑閱獯鬻之猾夏兮弔尉印於朝  
那從聖文之克讓兮不勞師而幣  
加惠父兄於南越兮黜帝號於尉  
佗降几杖於藩國兮折吳淠之逆  
邪惟太宗之蕩蕩兮豈曩秦之所  
圖齊高平而周覽兮望山谷之嵯  
峨野蕭條以莽蕩迴千

里而無家風颺發以飄颻兮谷水淮以揚波飛雲霧之杳  
杳涉積雪之皚皚鴈邕邕以群翔兮鷓鴣鳴以齊嘒遊子  
悲其故鄉兮心愴恨以傷懷撫長劍以慨息兮泣連落以  
沾裳攬余涕以於悵兮哀生人之多故夫何陰暄之不陽  
兮嗟久失其平度諒時運之所為兮未伊鬱其誰訴亂曰  
夫子固窮遊藝文兮樂以忘憂惟聖賢兮達人從事有儀  
則兮行止屈申與時息兮君子履信無不居兮雖之蠻貊  
何憂懼兮

班固三首

兩都賦

或曰賦者古詩之流也管成康沒而頌聲寢王澤竭而詩

北征賦

不作大漢初定日不暇給至於武宣之世乃崇禮官考文  
章內設金馬石渠之署外興樂府協律之事以興廢繼絕  
潤色鴻業是以衆庶說豫福應尤盛白麟赤鴈芝房寶鼎  
之歌薦於郊廟神雀五鳳甘露黃龍之瑞以為年紀故言  
語侍從之臣若司馬相如虞丘壽王東方朔枚臯王褒劉  
向之屬朝夕論思日月獻納而公卿大臣御史大夫倪寬  
太常孔臧大中大夫董仲舒宗正劉德太子太傅蕭望之  
等時時間作或以杼下情而通諷諭或以宣上德而盡忠  
孝雍容揄揚著於後嗣抑亦雅頌之亞也故孝成之世論  
而錄之蓋奏御者千有餘篇而後大漢之文章炳焉與三  
代同風且夫道有夷隆學有麤密因時而建德者不以遠

近易則故臯陶歌虞矣斯頌魯同見采於孔氏列於詩書  
其義一也稽之上古則如彼考之漢室又如此斯事雖細  
然先臣之舊式國家之遺美不可闕也臣竊見海內清平  
朝廷無事京師修宮室浚城隍而起苑囿以備制度西土  
耆老感懷怨思冀上之瞻顧而盛稱長安舊制有陋洛邑  
之議故臣作兩都賦以極衆人之所眩曜折以今之法度  
辭曰

有西都賓問於東都主人曰蓋聞皇漢之初經營也嘗有  
意乎都河洛矣輟而弗康寔用西遷作我上都主人聞其  
故而覩其制乎主人曰未也願賓擴懷舊之蓄念發思古  
之幽情博我以皇道弘我以漢京賓曰唯唯漢之西都在

於雍州寔曰長安左據函谷二嶠之阻表以太華終南之  
山右界褒斜隴首之險帶以洪河涇渭之川衆流之隈汧  
涌其西華實之毛則九州之上腴焉防禦之阻則天地之  
隩區焉是故橫被六合三成帝畿周以龍興秦以虎視及  
至大漢受命而都之也仰悟東井之精俯協河圖之靈奉  
春建策留侯演成天人合應以發皇明乃眷西顧寔惟作  
京於是晞秦嶺瞰北阜挾灃灊據龍首圖皇基於億載度  
宏規而大起肇自高而終平世增飾以崇麗歷十二之延  
祚故窮泰而極修建金城之萬雉呀周池而成淵披三條  
之廣路立十二之通門內則街衢洞達閭閻且千九市開  
塲貨別隧分人不得顧車不得旋闐城溢郭旁流百廛紅

塵四合煙雲相連於是既庶且富娛樂無疆都人士女殊  
異乎五方遊士擬於公侯列肆侈於姬姜鄉曲豪舉遊俠  
之雄節慕原常名亞春陵連交合衆騁驚乎其中若乃觀  
其四郊浮遊近縣則南望杜霸北眺五陵名都對郭邑居  
相承英俊之域絳冕所興冠蓋如雲七相五公與乎州郡  
之豪傑五都之貨殖三選七遷充奉陵邑蓋以彊幹弱枝  
隆上都而觀萬國封畿之內厥土千里卓犖諸夏兼其所  
有其陽則崇山隱天幽林穹谷陸海珍藏藍田美玉商洛  
緣其隈鄠杜濱其足源泉灌注陂池交屬竹林果園芳草  
甘木郊野之富號為近蜀其陰則冠以九峻陪以甘泉乃  
有靈宮起乎其中秦漢之所極觀淵雲之所頌歎於是乎

存焉下有鄭白之沃衣食之源提封五萬疆場綺分溝塍  
刻鏤原隰龍鱗決渠降雨荷插成雲五穀垂穎桑麻鋪荼  
東郊則有通溝大漕潰渭洞河泛舟山東控引淮湖與海  
通波西郊則有上囿禁苑林麓數澤陂池連乎蜀漢繚以  
周牆四百餘里離宮別館三十六所神池靈沼往往而在  
其中乃有九真之麟大宛之馬黃支之犀條枝之鳥踰崑  
崙越巨海殊方異類至于三萬里其宮室也體象乎天地  
經緯乎陰陽據坤靈之正位放太紫之圓方樹中天之華  
闕豐冠山之朱堂因瓌材而究奇抗應龍之虹梁列焚檠  
以布翼荷棟榑而高驥雕玉碩以居楹裁金璧以飾璫發  
五色之渥彩光爛朗以景彰於是左城右平重軒三階闈

西都賦

皇極書

蘇倉則友

西都賦

天梁書院刻

房同通門闥洞開列鐘虞於中庭立金人於端闈仍增崖  
而衡闕臨峻路而啓扉徇以離宮別寢承以崇臺閒館煥  
若列宿紫宮是環清涼宣溫神仙長季金華玉堂白虎麒  
麟區宇若茲不可殫論增盤崔嵬登降焘爛殊形詭制每  
各異觀乘茵步輦惟所息宴後宮則有掖庭椒房后妃之  
室合歡增城安處常寧蔭若椒風披香發越蘭林薰蕙鴛  
鸞飛翔之列昭陽特盛隆於孝成屋不呈材牆不露形裏  
以藻繡絡以綸連隨侯明月錯落其間金缸銜壁是為列  
錢翡翠火齊流耀含英懸黍垂棘夜光在焉於是玄墀鉤  
砌玉階彤庭硤礧綵綴琳珉青燄珊瑚碧樹周阿而生紅  
羅颯纒綺組續紛精曜華燭俯仰如神後宮之號十有四

西都賦

景於業反

如音即

位窈窕繁華更盛迭貴處乎斯列者蓋以百數左右庭中  
朝堂百寮之位蕭曹魏邴謀謨乎其上佐命則垂統輔翼  
則成化流大漢之愷悌蕩亡秦之毒螫故今斯人揚樂和  
之聲作畫一之歌功德著乎祖宗膏澤洽乎黎庶又有天  
祿石渠典籍之府命夫惇誨故老名儒師傅講論乎六藝  
稽合乎同異又有承明金馬著作之庭大雅宏達於茲為  
群元元本本殫見洽聞啓發篇章校理祕文周以鈎陳之  
位衛以嚴更之署總禮官之甲科群百郡之廉孝虎賁贅  
衣闈尹閤寺陛戟百重各有典司周廬千列徽道綺錯輦  
路經營修除飛閣自未央而連桂宮北彌明光而亘長樂  
陵塏道而趨西墉提建章而連外屬設壁門之鳳闕上觚

榜鳥腹

船物更反

稜而棲金爵內則別風嶢嶢眇麗巧而聳擢張千門而立  
 萬戶順陰陽以開闔爾乃正殿崔嵬層構厥高臨乎未央  
 經駘盪而出馭姿洞朽詎以與天梁上反宇以蓋戴激日  
 景而納光神明鬱其特起遂偃蹇而上躋軼雲雨於大半  
 虹霓迴帶於禁楯雖輕迅與僂狡猶愕眙而不能階攀井  
 幹而未半目眩轉而意迷捨櫺檻而卻倚若顛墜而復稽  
 魂怳怳以失度巡迴途而下低既懲懼於登望降周流以  
 徬徨步甬道以營紆又杳窅而不見陽排飛闥而上出若  
 遊目於天表似無依而洋洋前唐中而後太液覽滄海之  
 湯湯揚波濤於碣石激神岳之嶸嶸濫瀛洲與方壺蓬萊  
 起乎中央於是靈草冬榮神木叢生巖峻嶒嶒金石崢嶸

西都賦

抗仙掌以承露擢雙立之金莖軼埃壙之混濁鮮顛氣之  
 清英騁文成之丕誕馳五利之所刑庶松喬之群類時遊  
 從乎斯庭實列仙之攸館非吾人之所寧爾乃盛娛遊之  
 壯觀奮太武乎上囿因茲以威戎夸狄耀威靈而講武事  
 命荊州使起鳥詔梁野而驅獸毛群內闐飛羽上覆接翼  
 側足集禁林而屯聚水衡虞人修其營表種別群分部曲  
 有署罽網連絃籠山絡野列卒周匝星羅雲布於是乘鸞  
 輿備法駕帥群臣披飛廉入苑門遂繞鄠歷上蘭六師  
 發逐百獸駭殫震震爚爚雷奔電激草木塗地山淵反覆  
 蹂躪其十二三乃拗怒而少息爾乃期門伏飛列刃攢鋌  
 要跌追蹤鳥驚觸絲獸駭值鋒機不虛拮弦不再控矢不

李少伯...  
 蘇大拜五...  
 赤松子...  
 王子喬...

西都賦卷之三

九

大梁書院刻

單殺中必疊雙颯颯紛紛增繳相纏風毛雨血灑野蔽天

平原赤勇士厲獗狄失木豺狼懾竄爾乃移師趨險並蹈

潛穢窮虎奔突狂兇觸蹶許少施巧秦成力折倚傑狡扼

猛噬脫角控脰徒搏獨殺挾師豹拖熊螭曳犀犛頊象羆

超洞壑越峻崖蹶嶮巖巨石頽松栢仆叢林摧草木無餘

禽獸殄夷於是天子乃登屬玉之館歷長楊之榭覽山川

之體勢觀三軍之殺獲原野蕭條目極四裔禽相鎮壓獸

相枕藉然後收禽會衆論功賜胙陳輕騎以行魚騰酒車

以斟酌割鮮野食舉烽命爵饗賜畢勞逸齊大輅鳴鑾容

與徘徊集乎豫章之宇臨乎昆明之池左牽牛而右織女

似雲漢之無涯茂樹陰蔚芳草被隄蘭芷發色曄曄猗猗

若摛錦與布繡燭耀乎其陂鳥則玄鶴白鷺黃鵠鷓鴣鷓

鵠鴝鶒鳧鷖鴻鴈朝發河海夕宿江漢沈浮往來雲集霧

散於是後宮乘輶輅登龍舟張鳳蓋建華旗祛黼帷鏡清

流靡微風澹淡浮櫂文謳鼓吹震聲激越管厲天鳥群翔

魚窺淵招白鵬下雙鵠揄文竿出比目撫鴻罟御矰繳方

舟並驚僥仰極樂遂乃風舉雲搖浮游溥覽前乘秦嶺後

越九峻東薄河華西涉岐雍宮館所歷百有餘區行所朝

夕儲不改供禮上下而接山川究休祐之所用采遊童之

歡謠第從臣之嘉頌於斯之時都都相望邑邑相屬國籍

十世之基家承百季之業士食舊德之名氏農服先疇之

畎畝商修族世之所鬻工用高曾之規矩粲乎隱隱各得

許少吉之投人  
長成吉之壯士

管呼宏反

置音衝



其所若臣者徒觀迹於舊墟聞之乎故老十分未得其一端故不能徧舉也

東都主人喟然而嘆曰痛乎風俗之移人也子實秦人矜夸館室保界河山信識昭襄而知始皇矣烏覩大漢之云為乎夫大漢之開元也奮布衣以登皇位由數暮而創萬代蓋六籍所不能談前聖靡得而言焉當此之時功有橫而當天討有逆而順民故婁敬度勢而獻其說蕭公權宜而拓其制時豈泰而安之哉計不得以已也吾子曾不是睹顧曜後嗣之末造不亦暗乎今將語子以建武之治永平之事監于太清以變子之惑志往者王莽作逆漢祚中缺天人致誅六合相滅于時之亂生民幾亡鬼神泯絕壑

無完樞郭罔遺室原野馱人之肉川谷流人之血秦項之災猶不克半書契以來未之或紀故下人號而上訴上帝懷而降監乃致命乎聖皇於是聖皇乃握乾符闡坤珍披皇圖稽帝文赫然發憤應若興雲霆擊昆陽憑怒雷震遂超大河跨北嶽立號高邑建都河洛紹百王之荒屯因造化之盪滌體元立制繼天而作系唐統接漢緒茂育群生恢復疆宇勲兼乎在咎事勤乎三五豈特方軌並跡紛綸后辟治近古之所務蹈一聖之險易云爾且夫建武之元天地革命四海之內更造夫婦肇有父子君臣初建人倫寔始斯乃伏羲氏之所以基皇德也分州土立市朝作舟輿造器械斯乃軒轅氏之所以開帝功也龔行天罰應天

順人斯乃湯武之所以昭王業也遷都改邑有殷宗中興  
之則焉即土之中有周成隆平之制焉不階尺土一人之  
柄同符乎高祖克己復禮以奉終始允恭乎孝文憲章稽  
古封岱勒成儀炳乎世宗按六經而校德眇古管而論功  
仁聖之事既該而帝王之道備矣至於未平之際重熙而  
累洽盛三雍之上儀修袞龍之法服鋪鴻藻信景鑠揚世  
廟正雅樂神人之和允洽群臣之序既肅乃動大輅遵皇  
衢省方巡狩窮覽萬國之有無考聲教之所被散皇明以  
燭幽然後增周舊修洛邑扇巍巍顯翼翼光漢京于諸夏  
總八方而為之極是以皇城之內宮室光明闕庭神嚴奢  
不可踰儉不能侈外則因原野以作苑填流泉而為洛發

兩都賦

琴瑟

欲荒合反  
歎管陶反

暖音第

蘋藻以潛魚豐圃苴以毓獸制同乎梁鄒誼合乎靈囿若  
乃順時節而蒐狩結回軍徒以講武則必臨之以王制考之  
以風雅歷騶虞覽四山賦嘉車攻采吉日禮官整儀乘輿乃  
出於是發鯨魚鏗并下鐘登玉輅乘時龍鳳蓋琴麗和鑾玲  
瓏天官景從寢威盛容山靈護野屬御方神雨師泛灑風  
伯清塵千乘雷起萬騎紛紜元戎竟野戈鋌彗雲羽毛掃  
霓旌旗拂天焱焱揚光飛文吐爛生風欲野歆山日  
月為之奪明丘陵為之搖震遂集乎中囿陳師案屯駢部  
曲列校隊勒三軍誓將帥然後舉烽伐鼓申今三驅輶車  
霆激驍騎電驚由基發射范氏施御弦不暝禽轡不詭遇  
飛者不及翔走者不及去拍顧倏忽獲車已實樂不極盤

文選卷之三

二十三

天梁書院刻

殊音

禮音

殺不盡物馬踈餘足士怒未浚先驅復路屬車按節於是  
 薦三犧效五牲禮神祗懷百靈覲明堂臨辟雍揚緝熙宣  
 皇風登靈臺考休徵俯仰乎乾坤參象乎聖躬目中夏而  
 布德瞰四裔而抗稜西盪河源東澹海濬北動幽崖南曜  
 朱垠殊方別區界絕而不鄰自孝武之所不征孝宣之所  
 未臣莫不陸驚水僕奔走而來賓遂綏哀宰開永昌春王  
 三朝會同漢京是日也天子受四海之圖籍膺萬國之貢  
 珍內撫諸夏外綏百蠻爾乃盛禮興樂供帳置乎雲龍之  
 庭陳百寮而贊群后究皇儀而展帝容於是庭實千品旨  
 酒萬鍾列金罍班玉觴嘉珍御太牢饗爾乃食舉雍徹太  
 師奏樂陳金石布絲竹鐘鼓鏗鉤管絃擘煜抗五聲極六

兩都賦

傑音  
 傑音  
 傑音  
 四夷名

律歌九功舞八佾韶武備恭古畢四夷間奏德廣所及傑  
 休瓊離罔不具集萬樂備百禮暨皇歡浹群臣醉降烟煜  
 調元氣然後撞鐘告罷百寮遂退於是聖上觀萬方之歡  
 娛又沐浴於膏澤懼其侈心之將萌而怠於東作也乃申  
 鸞章下明詔命有司班憲度昭節儉示太素去後宮之麗  
 飾損乘輿之服御抑工商之淫業興農桑之盛務遂令海  
 內棄末而反本背偽而歸真女修織紵男務耕耘器用陶  
 匏服尚素玄耻織美而不服賤奇麗而不珍捐金於山沈  
 珠於淵於是百姓滌瑕盪穢而鏡至清形神寂寞耳目不  
 營嗜欲之源滅廉耻之心生莫不優游而自得玉潤而金  
 聲是以四海之內學校如林庠序盈門獻酬交錯俎豆莘

天梁書院刻

卷三

天梁書院刻

莘下舞上歌蹈德誅仁登降飫宴之禮既畢因相與嗟嘆  
玄德謹言弘說咸舍和而吐氣頌曰盛哉乎斯世今論者  
但知誦虞夏之書誅殷周之詩講羲文之易論孔氏之春  
秋罕能精古今之清濁究漢德之所由唯子頗識舊典又  
徒馳騁乎末流温故知新已難而知德者鮮矣且夫僻界  
西戎險阻四塞修其防禦孰與處乎土中平夷洞達萬方  
輻湊秦嶺九峻涇渭之川曷若四瀆五嶽帶河沂洛圖書  
之淵建章甘泉館禦列仙孰與靈臺明堂統和天人太液  
昆明鳥獸之園曷若辟雍海流道德之富游俠踰侈犯義  
侵禮孰與同履法度翼翼濟濟子徒習秦阿房之造天而  
不知京洛之有制識函谷之可關而不知王者之無外主

兩都賦

人之辭未終西都賓矍然失容逡巡降階悚然意下捧手  
欲辭主人曰復位今將授子五篇之詩賓既卒業乃稱曰  
美哉乎斯詩義正乎楊雄事實乎相如匪唯主人之好學  
蓋乃遭遇乎斯時小子狂簡不知所裁既聞正道請終身  
而誦之其辭曰  
於昭明堂明堂孔陽聖皇宗祀穆穆煌煌上帝宴饗五位  
時序誰其配之世祖光武晉天率土各以其職猗與緝熙  
允懷多福

右明堂詩

乃流辟雍辟雍湯湯聖皇莅止造舟為梁皤皤國老乃父  
乃兄抑抑威儀孝友光明於赫太上示我漢行洪化唯神

未觀厥成

右辟雍詩

乃經靈臺靈臺既崇帝勤時登爰考休徵三光宣精五行  
布序習習祥風祁祁甘雨百穀蕃蕃庶庶惟豐奉  
於皇樂胥

右靈臺詩

嶽修貢兮川效珍吐金景兮歆浮雲寶鼎見兮色紛紜煥  
其炳兮被龍文登祖廟兮享聖神昭靈德兮彌億季

右寶鼎詩

啓靈篇兮披瑞圖獲白雉兮效素鳥嘉祥阜兮集皇都發  
皓羽兮奮翹英容潔朗兮於淳精彰皇德兮侔周成永延

兩都賦

長兮膺天慶

右白雉詩

幽通賦

系高墳之玄冑兮氏中葉之炳靈颯颯風而蟬蛻兮雄朔  
野以颺聲皇十紀而鴻漸兮有羽儀於上京巨滔天而泯  
夏兮考遘愍以行謹終保已而貽則兮里上仁之所廬懿  
前烈之純淑兮窮與達其必濟咨孤蒙之眇眇兮將圯絕  
而罔階豈余身之足殉兮違世業之可懷靖潛處以永思  
兮經日月而彌遠匪黨人之敢拾兮庶斯言之不玷魂煢  
煢與神交兮精誠發於宵寐夢登山而迴眺兮覲幽人之  
髣髴攬萬靈而授余兮眷峻谷曰勿墜眴昕寤而仰思兮

漢書

漢書

心矇矇猶未察黃神逸而靡質兮儀遺識以臆對曰乘高  
 而選神兮道遐通而不迷葛絲絲於樛木兮詠南風以為  
 綏蓋惴惴之臨深兮乃二雅之所祗既訊爾以吉象兮又  
 申之以烟戒盍孟晉以迨群兮辰僚忽其不再承靈訓其  
 虛徐兮佇盤桓而且俟惟天地之無窮兮鮮生民之晦在  
 紛屯遭與蹇連兮何艱多而知寡上聖逝而後拔兮豈群  
 黎之所御管衛叔之御昆兮昆為寇而喪予管讐孤欲斃  
 讐兮讐作后而成已變化故而相詭兮孰云預其終始雍  
 造怨而先賞兮丁繇惠而被戮栗取弔于道吉兮王膺慶  
 於所感叛迴穴其若茲兮北叟頗識其倚伏單治裏而外  
 凋兮張修禠而內逼聿中蘇為庶幾兮頽與冉又不得溺

漢書

招路以從已兮謂孔氏猶未可安恬恬不能兮卒墮身乎  
 世禍遊聖門而靡救兮雖覆醢其何補固行行其必凶兮  
 免盜亂為賴道形氣發於根柢兮柯葉彙而零茂恐魍魎  
 之青景兮羌未得其云已黎淳耀于高辛兮芊彊大於南  
 汜羸取威於百儀兮姜本支乎三趾既仁得其信然兮仰  
 天路而同軌東隣虐而殲仁兮王合位乎三五戎女烈而  
 喪孝兮伯祖歸於龍虎發還師以成命兮重醉行而自耦  
 震鱗滌于夏庭兮匝三正而滅姬巽羽化乎宣宮兮彌五  
 辟而成災道修長而世短兮復具默而不周胥仍物而鬼  
 誣兮乃窮宙而達幽媯巢姜於孺筮兮旦筭祀于葵龜宣  
 曹興敗於下夢兮魯衛名謚於銘誼妣聆呱而劾石兮許

相理而鞠條道昆成而自然兮術同原而分流神先心以  
定命兮命隨行以消息幹流遷其不濟兮故遭罹而羸縮  
三樂同于一體兮雖移易而不惑洞參差其紛錯兮斯衆  
珽之所惑周賈盪而貢憤兮齊死生與禍福抗爽言以矯  
情兮信畏犧而忌鵬所貴聖人至論兮順天性而斷誼物  
有欲而不居兮亦有惡而不避守孔約而不貳兮乃輶德  
而無累三仁殊於一致兮夷惠舛而齊聲木偃息以蕃魏  
兮申重繭以存荆紀焚躬以衛上兮皓頤志而弗傾俟草  
木之區別兮苟能實其必榮要歿世而不朽兮乃先民之  
所程觀天網之絃覆兮實集謀而相訓謨先聖之大猷兮  
亦隣德而助信虞韶美而儀鳳兮孔忘味於千載素文信

通賦

而底麟兮漢賈祚于異代精通靈而感物兮神動氣而入  
微養流睇而猿號兮李虎發而石開非精神其焉通兮苟  
無其孰信操末技猶必然兮矧耽躬於道真登孔昊而上  
下兮緯群龍之所經朝貞觀而夕化兮猶誼已而遺形若  
胤彭而偕老兮訴來哲而通情亂曰天造草昧立性命兮  
復心弘道惟聖賢兮渾元運物流不處兮保身遺名民之  
表兮舍生取誼亦道用兮憂傷天物忝莫痛兮皓爾太素  
曷渝色兮尚越其幾淪神域兮

曹大家一首

東征賦

惟永初之有七兮余隨子乎東征時孟春之吉日兮撰良

辰而將行乃舉趾而升輿兮夕余宿乎偃師遂去故而就  
新兮志愴恨而懷悲明發曙而不寐兮心遲遲而有違酌  
樽酒以弛念兮喟抑情而自非諒不登巢而琢蠡兮得不  
陳力而相追且從衆而就列兮聽天命之所歸遵通衢之  
大道兮求捷徑欲從誰乃遂往而徂逝兮聊遊目而遨魂  
歷七邑而觀覽兮遭鞏縣之多艱望河洛之交流兮看成  
臯之旋門旣免脫於峻嶮兮歷滎陽而過武卷食原武之  
息足宿陽武之桑閒涉封丘而踐路兮慕京師而竊歎小  
人性之懷土兮自書傳而有焉遂進道而少前兮得平丘  
之北邊入匡郭而追遠兮念夫子之厄勤彼衰亂之無道  
兮乃困畏乎聖人悵容與而久駐兮念日夕而將昏到長

東征賦

垣之境界察農野之居民睹蒲城之丘墟兮生荆棘之榛  
榛惕覺寤而顧問兮想子路之威神衛人嘉其勇義兮訖  
于今而稱云蘧氏在城之東南兮民亦尚其丘墳唯今德  
為不朽兮身旣歿而名存惟經典之所美兮貴道德與仁  
賢吳札稱多君子兮其言信而有徵後衰微而遭患兮遂  
凌遲而不興知性命之在天兮由力行而近仁勉仰高而  
蹈景兮盡忠恕而與人好正直而不回兮精誠通於神明  
庶靈祇之鑒臨兮祐貞良而輔信亂曰君子之思必成文  
兮盍各言志慕古人兮先君行止則有作兮雖其不敏敢  
不法兮貴賤貧富不可求兮正身履道以俟時兮修短之  
運愚智同兮靖恭委命唯吉凶兮敬慎無怠思謙約兮清



文選增定卷第三  
靜少欲師公綽兮

文選增定卷第三

文選增定卷第四

賦六首

傅毅一首

舞賦

楚襄王既游於雲夢使宋玉賦高唐之事將置酒宴飲謂  
宋玉曰寡人欲觴群臣何以娛之玉曰臣聞歌以詠言舞  
以盡意是以論其詩不如聽其聲聽其聲不如察其形激  
楚結風陽阿之舞材人之窮觀天下之至妙噫可進乎也  
玉曰其如鄭何玉曰小大殊用鄭雅異宜弛張之度聖哲  
所施是以樂記干戚之容雅美蹲蹲之舞禮設三爵之制  
頌有醉歸之歌夫咸池六英所以陳清廟叶神人也鄭衛

之樂所以娛密坐接驩欣也餘日怡蕩非以風民也其何  
害哉王曰試為寡人賦之玉曰唯唯夫何皦皦之閑夜兮  
明月爛以舒光朱火燿其延起兮曜華屋而燿洞房黼帳  
祛而結組兮鋪首炳以焜煌陳茵席而設坐兮溢金罍而  
列玉觴騰觴爵之斟酌兮漫既醉其樂康嚴頰和而怡懌  
兮幽情形而外揚文人不能懷其藻兮武毅不能隱其剛  
簡情跼跼盤紛挐兮淵塞沈蕩改恒常兮於是鄭女出進  
二八徐侍姣服極麗姁姁致態貌僚妙以妖冶兮紅顏燿  
其揚華眉嬋娟以增繞目流睇而橫波珠翠的皜而照曜  
兮華袿飛鬢而雜纖羅顧形影自整裝順微風揮若芳動  
朱脣紆清陽抗音高歌為樂之方歌曰摠予意以弘觀兮

對琴友

吳從來反

繹精靈之所束弛緊急之絃張兮慢末事之委曲舒恢矣  
之廣度兮闊細體之荷縛嘉關雎之不淫哀蟋蟀之局促  
啓恭貞之否隔兮超遺物而度俗揚激徵騁清角替舞操  
奏均曲形態和神意叶從容得志不劫於是躡節鼓陳舒  
意自廣游心無垠遠思長想其始興也若俯若仰若來若  
往雍容惆悵不可為象其少進也若翔若行若竦若傾杌  
動赴度拍顧應聲羅衣從風長袖交橫駱驛飛散颯沓合  
并鷓鴣燕居拉搭鶻驚倬約閑靡機迅體輕姿絕倫之妙  
態懷慙素之繫情修儀操以顯志兮獨馳思乎杳冥在山  
峨峨在水湯湯與志遷化容不虛生明詩表拍喟息激昂  
氣若浮雲志如秋霜觀者增歎諸工莫當於是合場遞進

聯力帝反  
眼音長

案次而俟埒材角妙夸容乃理軼態橫出瑰姿譎起眇盤  
鼓則騰清眸吐哇咬則發皓齒擿齊行列經營切儼彷徨  
神動迴翔竦峙擊不致策蹈不頓趾翼爾悠往闈復輟已  
及至回身還入迫於急節浮騰累跪跗躅摩跌紆形赴遠  
淮以推折繼穀蛾飛紛森若絕超趨鳥集縱弛殛歿蛟蛇  
姆孀雲轉飄忽體如游龍袖如素蜺睨眄而拜曲度究畢  
遷延微笑退復次列觀者稱麗莫不怡悅於是歡洽讌夜  
命遣諸客擾攘就駕僕夫正策車騎並狎龍從逼迫良駿  
逸足捨悍凌越龍驤橫舉揚鏢飛沫馬材不同各相傾奪  
或有踰埃赴轍霆駭雷滅路地遠群閭條獨絕或有踣足  
鬱怒盤桓不發後往先至遂為逐末或有矜容愛儀洋洋

習習遲速承意控御緩急卑音若雷驚驟相及駱驛而歸  
雲散城邑天王燕清樂而不溢娛神遺老求季之術優哉  
柔哉聊以未日

張衡五首

西京賦

有憑虛公子者心參體忤雅好博古學乎舊史氏是以多  
識前代之載言於安處先生田夫人在陽時則舒在陰時  
則慘此牽乎天者也處沃土則逸處瘠土則勞此繫乎地  
者也慘則眇於歡勞則褊於惠能違之者寡矣小必有之  
大亦宜然故帝者因天地以致化氓民承上教以成俗化  
俗之本有與推移何以覈諸秦據雍而彊周即豫而弱高

聯音通

員與音備  
員許備反

國音礙

祖都西而泰光武處東而約政之興衰常由此作先生獨  
不見西京之事歟請為吾子陳之漢氏初都在渭之涘秦  
里其朔寔為咸陽左有崤函重險棧林之塞綴以二華巨  
靈員員高掌遠跋以流河曲厥跡猶存右有隴坻之隘隔  
關華戎岐梁汧雍陳寶鳴雞在焉於前則終南太一隆崛  
崔崒隱轉鬱律連岡乎嶓冢抱杜含鄠郿澧吐鎬爰有藍  
田珍玉是之自出於後則高陵平原據渭踞涇澶漫靡迤  
作鎮於近其遠則有九峻甘泉涸陰沍寒日北至而含凍  
此焉清暑爾乃廣衍沃野厥土上上寔為地之奧區神臯  
管者大帝悅秦繆公而觀之饗以鈞天廣樂帝有醉焉乃  
為金策錫用此土而勦諸鶉首是時也並為疆國者有六

西京賦

悲音忌

然而四海同宅西秦豈不詭哉自我高祖之始入也五緯  
相汁以旅于東并婁敬委輅幹非其議天啓其心人悲之  
謀及帝圖時意亦有慮乎神祇宜其可定以為天邑豈伊  
不虔思于天衢豈伊不懷歸於粉榆天命不滔疇敢以渝  
於是量徑輪考廣袤經城洫營郭郭取殊裁於八都豈稽  
度於往舊爾乃覽秦制跨周法狹百堵之側陋增九筵之  
迫脅正紫宮於未央表嶢闕於閭闔闔疏龍首以抗殿狀龜  
戟以爰嶭巨雄虹之長梁結焚燎以相接帶倒茄於藻井  
披紅葩之狎獵飾華棖與璧璫流景曜之韓擘彫楹玉碣  
繡栴雲楣三階重軒鏤檻文楹右平左城青瑣丹墀刊層  
平堂設切厓隰坻嶠鱗眴棧齧巉嶮襄岍夷塗修路峻險

陽音昔

栴音而

隰宜檢反  
齧音眼

越音

雷門襲故姦究是防仰福帝居陽曜陰藏洪鐘萬鈞猛虞  
越越首筍業而餘怒乃奮翅而騰驤朝堂承東温調延北  
西有玉臺聯以昆德嵯峨嶮嶮罔識所則若夫長季神仙  
宣室玉堂麒麟朱鳥龍興舍章譬衆星之環北極叛赫戲  
以輝煌正殿路寢用朝群辟大厦耽耽九戶開闢嘉木樹  
庭芳草如積高門有閑列坐金秋內有常侍謁者奉命當  
御外有蘭臺金馬遞宿迭居次有天祿石渠校文之處重  
以虎威章溝嚴更之署徼道外周千廬內附衛尉八屯警  
夜巡畫植鍛懸猷用戒不虞後宮則昭陽飛翔增成合驪  
蘭林披香鳳皇鸞鸞群窈窕之華嚴嗟內顧之所觀故其  
館室次舍采飾織繡哀以藻繡文以宋綠翡翠火齊絡以

西京賦

美玉

流懸黎之夜光綴隨珠以為燭金祀玉階彤庭輝輝

美玉流懸黎之夜光綴隨珠以為燭金祀玉階彤庭輝輝  
珊瑚琳碧瑤珉璘彬珍物羅生煥若崑崙雖厥裁之不廣  
侈靡踰乎至尊於是鉤陳之外閣道穹隆屬長樂與明光  
徑北通于桂宮命般爾之巧匠盡變態乎其中於是後宮  
不移樂不徙懸門衛供帳官以物辦恣意所幸下輦成燕  
窮年忘歸猶弗能徧瑰異日新殫所未見惟帝王之神麗  
懼尊卑之不殊雖斯宇之既坦心猶憑而未據思比象於  
紫微恨阿房之不可廬覩往咎之遺館獲林光於秦餘處  
甘泉而爽塏乃隆崇而弘敷既新作於迎風增露寒與儲  
胥託喬基於山岡直帶霓以高居通天訛以竦峙徑百常  
而莖擢上辨華以交紛下刻隋其若削翔鸞仰而弗逮况

觀音  
視也

辨音  
結反

辨音  
詔音

天梁書院刻

五

天梁書院刻

瓶音府  
低頭也

壽音萌

壽徒到反  
壽音呼  
壽呼交反  
壽午葛反

青鳥與黃雀伏櫺檻而頰聽聞雷霆之相激栢梁既災越  
巫陳方建章是經用馱火祥營宇之制事兼未央園闕竦  
以造天若雙碣之相望鳳騫翥於夢標咸朔風而欲翔閭  
闔之內別風嶢嶢何工巧之瑰璋交綺豁以疏寮干雲霧  
而上達狀亭亭以茗茗神明岷其特起并幹疊而百增峙  
遊極於浮柱結重欒以相承累層構而遂隋望北辰而高  
興消零埃於中宸集重陽之清微瞰宛虹之長鬢察雲師  
之所憑上飛闥而仰睨正觀瑤光與玉繩將乍往而未半  
怵悼慄而聳兢非都盧之輕趨孰能超而究并馭娑駘邊  
燾慕桔槔粉詒承光睽眾庠豁增梓重焚鏐鏐列列反宇  
業業飛檐轆轤流景內照引曜日月天梁之宮寔開高闥

西京賦

壽音呼

旗不脫局結駟方斲櫟輕輕驚容於一扇長廊廣庶連閣  
雲蔓閨庭詭異門千戶萬重閨幽閨轉相逾延望窗窳以  
徑廷眇不知其所返既乃珍臺蹇產以極壯燈道邈倚以  
正東似閨風之遐坂橫西迤而絕金墉城尉不弛柝而內  
外潛通前開唐中彌望廣濶顧臨太液滄池泮沆漸臺立  
於中央赫眈眈以弘敞清淵洋洋神山峩峩列瀛洲與方  
丈夾蓬萊而駢羅上林岑以壘罪下斲巖以岳齧長風激  
於別隄起洪濤而揚波浸石菌於重涯濯靈芝以朱柯海  
若游於玄渚鯨魚失流而蹉跎於是采少君之端信庶樂  
大之貞固立修莖之仙掌承雲表之清露屑瓊藥以朝飧  
必性命之可度美往咎之松喬要羨門乎天路想升龍於

西京賦

西京賦

陟

粵湖豈時俗之足慕若歷世而長存何遽營乎陵墓徒觀  
其城郭之制則旁開三門參塗夷庭方軌十二街衢相經  
廛里端直字齊平北闕甲第當道直啓程巧致功期不  
陟陟木衣縵錦士被朱紫武庫禁兵設在蘭錡匪石匪董  
疇能宅此爾乃廓開九市通闌帶圍旗亭五重俯察百隧  
周制大胥今也惟尉環貨方至鳥集鱗萃鬻者無贏求者  
不匱爾乃商賈百族禪販夫婦鬻良雜苦蚩眩邊鄙何必  
昏於作勞邪羸優而足恃彼肆人之男女麗美奢乎許史  
若夫翁伯濁質張里之家擊鐘鼎食連騎相過東京公侯  
壯何能加都邑遊俠張趙之倫齊志無忌擬跡田文輕死  
重氣結黨連群寔蕃有徒其從如雲茂陵之原陽陵之朱

高京賦

車鬼反

整知留反  
屋知粟反

駢音侯  
駢音侯

趨悍虓豁如虎如貙睚眦萬彘屍僵路隅丞相欲以贖子  
罪陽石污而公孫誅若其五縣遊麗辯論之士街談巷議  
彈射臧否剖析毫釐摩肌分理所好生毛羽所惡成瘡痂  
郊甸之內鄉邑殷賑五都貨殖旣遷旣引商旅聯榻隱隱  
展展冠帶交錯方轅接軫封畿千里統以京尹郡國宮館  
百四十五右極蓋屋并卷豐鄴右暨河華遂至統土上林  
禁苑跨谷彌阜東至粵湖斜界細柳掩長楊而聯五柞繞  
黃山而款牛首繚垣絲聯四百餘里植物斯生動物斯止  
衆鳥翩翩群獸駉駉散似驚波聚似京峙伯益不能名隸  
首不能紀林麓之饒于何不有木則樅栝檉楠梓楸榿楓  
嘉卉灌叢蔚若鄧林鬱翁夔對櫛爽櫛慘吐葩颺榮布葉

垂陰草則葳莎菅蒯薇蕨荔芳王芻菡臺戎葵懷羊奔尊  
 蓬茸彌臯被岡篠蕩敷衍編町成篁山谷原隰泱泱無疆  
 廼有昆明靈沼黑水玄趾周以金堤樹以柳杞豫章珍館  
 揭焉中峙牽牛立其左織女處其右日月於是乎出入象  
 扶桑與濛汜其中則有鼉鼉巨鼈鱣鯉鰈鮪鯢鱓鱣條  
 額短項大口折鼻詭類殊種鳥則鸚鵡鴉鴉鴛鴦鴻鸞上  
 春候來季秋就溫南翔衡陽北棲鴈門奮隼歸鳧沸卉軒  
 旬衆形殊聲不可勝論於是孟冬作陰寒風肅殺雨雪飄  
 飄冰霜慘烈百卉具萎剛蟲搏擊爾乃振天維衍地絡蕩  
 川瀆簸林薄鳥畢駭獸咸作草伏木棲寓居穴託起彼集  
 此霍繹紛泊在彼靈囿之中前後無有垠鍔虞人掌焉為

西京賦

遺華瘦皮

陸澄也  
蕭音肅  
蕭音朝

之營城焚萊平場柞木翦棘結置百里迄杜蹊塞虜虜麋  
 麋駢田偪仄天子乃駕雕軫六駭駭戴翠帽倚金較璿弁  
 玉纓遺光儵爚建玄七樹拓榭棲鳴鳶曳雲梢孤旌枉矢  
 虹旃蜺旌華蓋承辰天畢前驅千乘雷動萬騎龍趨屬車  
 之造載猷獨橋匪惟翫好廼有秘書小說凡百本自虞初  
 從容之求寔俟寔儲於是蚩尤秉鉞奮鬣被般禁禦不若  
 以知神姦魑魅蝸蝸莫能逢旃陳虎旅於飛廉正壘壁乎  
 上蘭結部曲整行伍燎京薪賊雷鼓縱獵徒赴長莽迓卒  
 清候武士赫怒緹衣韎韜睚眦扞扞光炎燭天庭踴聲震  
 海浦河渭為之波盪吳嶽為之阨堵百禽悽遽駭瞿奔觸  
 喪精亡魂失歸忘趨投輪關輻不邀自遇飛罕瀟飈流鏑

天運地定卷第四

天運地定卷第四



播音反  
播音朴

獲音反

捕助音反

松蒲結反

鷓鴣音反

綠劫緣反

散音反

綵音薛

鬢音亞反

鬢作計反

鬢音瓜反

搯側家反

佛音費

佛音便

皆猛獸名

帶庭結反

擣搦矢不虛舍鋌不苟躍當足見踉值輪被轢僵禽斃獸

爛若磧礫但觀置羅之所罾結竿及之所擣畢又族之所

擣捕徒搏之所撞松白日未及移晷已猶其十七八若夫

遊鷓高聲絕院踰斤斃兔聯猿陵巒超壑比諸東郭莫之

能獲乃有迅羽輕足尋景追括鳥不暇舉獸不得發青骸

擊於鞞下韓盧噬於綵末及其猛毅髮鬚隅目高眦威懾

兕虎莫之敢伉乃使中黃之士育獲之疇朱鬢鬢植髮

如竿袒裼戟手奎踞盤栢鼻赤象圈巨挺搯佛猥批獠後

指枳落突棘藩梗林為之靡拉撲叢為之摧殘輕銳鏢狡

趨捷之徒赴洞穴探封狐陵重巘獵昆駮杪木末獲獬狽

超殊榛帶飛鼯是時後宮嬖人昭儀之倫常亞於乘輿慕

西京賦

賈氏之如臯樂北風之同車盤于遊畋其樂只且於是鳥

獸殫目觀窮遷延邪睨集乎長楊之宮息行夫展車馬收

禽舉齒數課衆寡置互擣牲頒賜獲鹵割鮮野饗犒勤賞

功五軍六師千列百重酒車酌醴方駕授饗升觴舉燧旣

醕鳴鐘膳夫馳騎察貳廉空炙包夥清醑鼓皇恩溥洪德

施徒御悅士忘疲巾車命駕迴栉右移讓佯乎五柞之館

旋憇乎昆明之池登豫章簡知紅蒲且發弋高鴻挂白鶴

聯飛龍磻不特絳往必加雙於是命舟牧為水嬉浮鷁首

翳雲之垂翟葆建羽旗齊棹女縱櫂歌發引和校鳴葭奏

淮南度陽阿感河馮懷湘娥驚蜩蛎憚蛟蛇然後釣魴鱧

纒鯁鮒披紫貝搏耆龜搯水豹罽潛牛澤虞是濫何有春

儲音波

絳音卦

馬中反

大梁書院刻

聖音獨  
應音魚  
慶音老反  
應音綠

秋摘溱澣搜川瀆布九罭設罍罍櫟鯤鯨珍水族渠藕拔  
蜃蛤剥逞欲畋斂效獲麇麇摻蓼泮浪乾池滌藪上無逸  
飛下無遺走獲胎拾卵舐豚盡取取樂今日遑恤我後既  
定且寧焉知傾陲大駕幸乎平樂之館張甲乙而襲翠被  
攢珍寶之玩好紛瑰鬩以參靡臨迴望之廣場程角觝之  
妙戲烏獲拉昂都盧尋橦衝狹鸞濯曾突鈿鋒跳丸劍之  
揮霍走索上而相逢華嶽峨峨罔巒參差神木靈草朱寶  
離離總會仙倡戲豹舞猨白虎鼓瑟蒼龍吹箎女娥坐而  
長歌聲清暢而蛟蛇洪涯立而拍麾被羽毛而襪襪度曲  
未終雲起雪飛初若飄飄後遂霏霏復陸重閣轉石成雷  
礚礚激而增響磅礚象乎天威巨獸百尋是為曼延神山

四景賦

聖音獨反

聖音獨反

崔巍欻從背見熊虎升而挈攬援狄招而高援怪獸陸梁  
大雀跋跋白象行孕垂鼻轆轤海鱗變而成龍狀踈踈以  
蜃蜃舍利魃魃化為仙車驪駕四庶芝蓋九葩蟾蜍與龜  
水人弄蛇奇幻儵忽易貌分形吞刀吐火雲霧杳冥畫地  
成川流渭通涇東海黃公赤刀粵祝異獸白虎卒不能救  
挾邪作蠱於是不售爾乃建戲車樹修旃依僮逞材上下  
翻翻突倒投而跟絳譬殞絕而復聯百馬同轡騁足並馳  
種末之伎態不可彌響弓射乎西苑又顧發乎鮮卑於是  
衆變盡心醒醉盤樂極悵懷率陰戒期門微行要屈降尊  
就卑懷璽藏綬便旋閭閻周觀郊遂若神龍之變化彰后  
皇之為貴然後歷掖庭適歡館捐衰色從嫵婉促中堂之

天梁書院

天梁書院

陋坐羽觴行而無筭秘舞更奏妙材騁伎妖蠱豔夫夏姬  
美聲暢於虞氏始徐進而羸形似不任乎羅綺嚼清啣而  
却轉增輝灼以此豸紛縱體而迅赴若驚鶴之群燕振朱  
屣於盤樽奮長袖之颯纒要紹修態艷服颺善昭藐流盼  
一顧傾城展季桑門誰能不營列爵十四競媚取榮盛衰  
無常惟愛所丁衛后興於鬢髮飛燕寵於體輕爾乃逞志  
究欲窮身極娛鑿戒唐詩他人是媮自君作故何禮之拘  
增昭儀於婕妤賢既公而又侯許趙氏之無上思致董於  
有虞王閔爭於坐側漢載安而不渝高祖創業繼體承基  
暫勞未逸無為而治耽樂是從何慮何思多歷季所二百  
餘暮徒以地沃野豐百物殷阜巖險周固襟帶易守得之

者彊據之者久流長則難竭根深則難朽故奢泰肆情而  
馨烈彌茂鄙生生乎三百之外傳聞於未聞之者曾鬢鬢  
其若夢未一隅之能覩此何與於殷人屢遷前八而後五  
居相圯耿不常厥土盤庚作誥帥人以苦方今聖上同天  
號于帝皇掩四海而為家富有之業莫我大也徒恨不能  
以靡麗為國華獨儉嗇以齷齪忘蟋蟀之謂何豈欲之而  
不能將能之而不欲歟蒙竊惑焉願聞所以辯之之說也

### 東京賦

安處先生於是似不能言者憮然有間乃莞爾而笑曰若  
客所謂末學膚受貴耳而賤目者也苟無曾而無心不能  
飾之以禮宜其陋今而榮古矣由余以西戎孤臣而悝穆

公於宮室如之何其以溫故而知新研覈是非近於此惑也周姬之末不能厥政政用多僻始於宮隣卒於金虎羸氏搏翼擇肉西邑是時也七雄並爭競相高以奢麗楚築章華於前趙建叢臺於後秦政利葡長距終得擅場思專其侈以莫已若也乃構阿房起甘泉結雲閣觀南山征稅盡人力殫然後收以太半之賦威以參夷之刑其遇民也若雉氏之芟草旣蘊崇之又行火焉悻悻黔首豈徒跼高天躋厚地而已哉乃救死於其頸驅以就役惟力是視百姓不能忍是用息肩於大漢而欣戴高祖高祖膺錄受圖順天行誅校朱旗而建大號所推必亡所存必固掃項軍於垓下繼子嬰於枳塗因秦宮室據其府庫作洛之制我

東京賦

則未暇是以西匠營宮目翫阿房規摹踰溢不度不臧損之又損然尚過於周堂觀者狹而謂之陋帝已譏其恭而不康且高旣受命建家造我區夏矣文又躬自菲薄治致升平之德武有大啓土宇紀禪肅然之功宣重威以撫和戎狄呼韓來享咸用紀宗存主饗祀不輟銘勳彝器歷世彌光今捨純懿而論爽德以春秋所諱而為美談宜無嫌於故讐蔽善而揚惡祇吾子之不知言也必以肆奢為賢是則黃帝合宮有虞總期固不如夏癸之瑤臺殷辛之瓊室也湯武誰革而用師哉盍亦覽東京之事以自悟乎且夫天子有道狩在海外守位以仁不恃隘害苟民志之不諒何云巖險與襟帶秦負阻於二關卒開項而受沛彼偏

據而規小豈知宅中而圖大管先王之經邑也掩觀九陬  
靡地不營土圭測影不縮不盈總風雨之所交然後以建  
王城審曲面勢沂洛背河左伊右瀍西阻九阿東門于旋  
盟津達其後太谷通其前廻行道乎伊闕邪徑捷乎鞬鞞  
太室作鎮榻以熊耳底柱輟流鐔以大岷温液湯泉黑舟  
石緇王鮪岫居能鼈三趾處妃攸館神用挺紀龍圖授羲  
龜書界妙名伯相宅卜惟洛食周公初基其繩則直棖弘  
魏舒是廓是極經途九軌城隅九雉度堂以慈度室以凡  
京邑翼翼四方所視漢初弗之宅也故宗緒中圯巨猾間  
豐竊弄神器歷載三六偷安天位于時蒸民罔敢或貳其  
取威也重矣我世祖忿之乃龍飛白水鳳翔參墟授鉞四

東京賦

七共工是除欃槍旬始群凶靡餘區宇又寧思和求中睿  
哲玄覽都茲洛宮曰止曰時昭明有融既光厥武仁洽道  
豐登岱勤封與黃比崇逮至顯宗六合殷昌既新崇德遂  
作德陽啓南端之特闈之應門之將將昭仁惠於崇賢抗  
義聲於金商飛雲龍於春路屯神虎於秋方建象魏之兩  
觀旌六典之舊章其內則含德章臺天祿宣明温飭迎春  
壽安永寧飛閣神行莫我能形濯龍芳林九谷八溪芙蓉  
覆水秋蘭被涯渚戲躍魚淵游龜螭未安離宮修竹冬青  
陰池幽流玄泉冽清鴨鵝秋棲鵲鵲春鳴雉鳩黃鸝關關  
嚶嚶於南則前殿雲臺和歡安福諺門曲榭邪阻城洳竒  
樹珍果鈎盾所職西登少華亭候修勅九龍之內寔曰嘉

謹直移反

屢示忍反  
鯉蒲佳反  
大巨儼反

德西南其戶匪雕匪刻我后好約乃宴斯息於東則洪池  
清灑淥水澹澹內阜川禽外豐葭茨獻鼈屨與龜魚供蝸  
鯉與菱芡其西則有平樂都塲示遠之觀龍雀蟠蜿天馬  
半漢瑰異譎詭粲爛炳煥奢未及侈儉而不陋規遵王度  
動中得趣於是觀禮禮舉義具是以經始勿亟成之不日  
猶謂為之者勞居之者逸慕唐虞之茅茨思夏后之卑室  
乃營三宮布政頒常復廟重屋八達九房規天矩地授時  
順鄉造舟清池惟水泱泱左制辟雍右立靈臺因進距衰  
表賢簡能馮相觀禋祈禡禳災於是孟春元日群后旁戾  
百僚師師于斯宵泊藩國奉聘要荒來質具惟帝臣獻琛  
執贄當覲於殿下者蓋數萬以二爾乃九賓重臚人列崇

東京賦

牙張鏞鼓設卽將司階虎戟交鍛龍輅充庭雲旗拂霓夏  
正三朝庭燎晰晰撞洪鐘伐靈鼓旁震八鄙軒轅隱旬若  
疾霆轉雷而激迅風也是時稱警蹕已下彫整於東廂冠  
通天佩玉璽紆黃組要干將負斧戾次席紛紜左右玉几  
穆穆而南面以聽矣然後百辟乃入司儀辨等尊卑以班  
璧余皮帛之贄既奠天子乃以三揖之禮禮之穆穆焉皇  
皇焉濟濟焉將將焉信天下之壯觀也乃美公侯卿士登  
自東塗訪萬機詢朝政勤恤人隱而除其害人或不得其  
所若已納之於隍荷天下之重任匪怠皇以寧靜發京倉  
散禁財賚皇僚逮輿臺命膳夫以大饗饗餼決乎家陪春  
醴惟醇燔炙芬芬君臣歡康具醉董董千品萬官已事而

跋勤屢省茂乾乾清風協於玄德淳化通於自然憲先靈  
 以齊軌必三思以顧愆招有道於仄陋開敢諫之直言聘  
 丘園之耿絜旅束帛之交交上下通情式宴且盤及將祀  
 天郊報地功祈福乎上玄思所以為虔肅肅之儀盡穆穆  
 之禮殫然後以獻精誠奉禋祀曰允矣天子也乃整法服  
 正冕帶珩紘紘絃絃玉笄綦會火龍黼黻藻綵鞶厲結飛雲  
 之袷輅樹翠羽之高蓋建辰旒之太常紛飈悠以容裔六  
 玄蚪之奕奕齊騰驤而沛艾龍舟華轡金鏐鏤錫方鉉左  
 纛鈎膺玉環鑾聲噦噦和鈴鈇鈇重輪貳轄䟽轂飛軫羽  
 蓋歲蕤葩瑤曲莖順時服而設副咸龍旂而繁纓立戈迤  
 夏農輿輅木屬車九九乘軒鉉轂輦弩重旃朱旌青屋奉

璠  
 璠  
 璠

東京賦

璠  
 璠  
 璠

引既畢先輅乃發鑾旗皮軒通帛舊旆雲罕九旒鉞戟鞞  
 鞞長旒被繡虎夫戴鷩駘承華之蒲梢飛流蘇之騷殺總  
 輕武於後陳奏嚴鼓之嘈囂戎士介而揚揮戴金鉦而建  
 黃鉞清道按列天行星陳肅肅習習隱隱鞞鞞未出乎  
 城闕旆已反乎郊畛盛夏后之致美爰恭敬於明神爾乃  
 孤竹之管雲和之瑟雷鼓鼗鼗六變既畢冠華秉翟列舞  
 八佾元祀惟稱群望咸秩颺熒燎之炎燭致高煙於太一  
 神歆馨而顧德祚靈主以元吉然後宗上帝於明堂推光  
 武以作配辨方位而正則五精帥而來雒尊赤氏之朱光  
 四靈懋而允懷於是春秋改節四時迭代蒸蒸之心感物  
 增思躬追養於宗祗奉蒸嘗與禴祠物牲辯省設其福衡

靈

毛包豚胎亦有和羹條濯靜嘉禮儀孔明萬舞奕奕鐘鼓  
 嗶嗶靈祖皇考來顧來饗神具醉止降福穰穰及至農祥  
 晨正土膏脉起乘鑾輅而駕蒼龍介馭閒以剡耜躬三推  
 於天田修帝藉於千畝供禘郊之染盛必致思乎勤已屯  
 人勸於疆場感懋力以耘耔春日載陽合射辟雍設業設  
 虞宮懸金鏞鼓路鼓樹羽幢幢於是備物物有其容伯  
 夷起而相儀后夔坐而為工張大侯制五正設三之匪司  
 旌弁夾既飾儲乎廣庭於是皇輿夙駕釐於東階以湏消  
 啓明掃朝霞登天光於扶桑天子乃撫玉輅時乘六龍發  
 鯨魚鏗華鐘大丙弭節風后陪乘攝提運衡徐至於射宮  
 禮事展樂物具王夏闕騶虞奏決拾既次彤弓斯鼓達餘

靈

禮事展樂物具王夏闕騶虞奏決拾既次彤弓斯鼓達餘

禮音

萌於暮春昭誠心以遠喻進明德而崇業滌饗養之貪慾  
 仁風衍而外流誼方激而遐驚日月會於龍甃恤人事之  
 勞疾因休力以息勤致歡忻於春酒執鑿刃以袒割奉觴  
 豆於國叟降至尊以訓恭送迎拜於三壽敬慎威儀示民  
 不偷我有嘉賓其樂愉愉聲教布濩盈溢天區文德既昭  
 武節是宣二農之隙耀威中原歲惟仲冬大閱西園虞人  
 掌焉先期戒事悉率百禽鳩諸靈囿獸之所同是謂告備  
 乃御小戎撫輕軒中畋四牧既佶且閑戈矛若林牙旗纒  
 紛迄于上林結徒為營叙和樹表司鐸授鉦坐作進退節  
 以軍聲三令五申示戮斬牲陳師鞠旅教達禁成火烈具  
 舉武士星敷鸞觀魚麗箕張翼舒軌塵掩沆匪疾匪徐馭



觀胡敬反

卷音岐

不詭遇射不翦毛升獻六禽時膳四膏馬足未極興徒不  
 勞成禮三驅解罟放麟不窮樂以訓儉不殫物以昭仁慕  
 天乙之弛罟因教祝以懷人儀姬伯之渭陽失熊羆而獲  
 人澤浸昆蟲威振八寓好樂無荒允文允武薄狩于教既  
 瑣瑣焉岐陽之蒐又何足數爾乃卒歲大儺驅除群癘方  
 相秉鉞巫覡操荊俛子萬童丹首玄製龜弧棘矢所發無  
 臬飛礮雨散剛瘳必整煌火馳而星流逐赤疫於四裔然  
 後凌天池絕飛梁捐螭魅斬獮狂斬蛟蛇腦方良囚耕父  
 於清泠溺女魃於神潢殘夔魍與罔象殪野仲而殲游光  
 八靈為之震懼况魃與畢方度朔作梗守以鬱壘神荼  
 副焉對操索章目察區陬司執遺鬼京室密清罔有不肆

東原賦

秋意

念生哀

於是陰陽交和庶物時育卜征考祥終然允淑秉輿巡乎  
 岱嶽勸稼穡於原陸同衡律而一軌量齊急舒於寒燠省  
 幽明以黜陟乃反旆而迴復望先帝之舊墟慨長思而懷  
 古俟閭風而西遐致恭祀於高祖既春游以發生啓諸蟄  
 於潛戶度秋豫以收成觀豐季之多稔嘉田畷之匪懈勤  
 致賚于九扈左瞰陽谷右睨玄圃眇天末以遠期規萬世  
 而大慕且歸來以釋勞膺多福以安念總集瑞命備致嘉  
 祥園林氏之騶虞擾澤馬與騰黃鳴女牀之鸞鳥舞丹穴  
 之鳳皇植華平之春圃豐朱草於中唐惠風廣被澤洎幽  
 荒北燮丁零南諧越裳西包大秦東過樂浪重舌之人九  
 譯僉稽首而來王是故論其遷邑易京則同規乎般盤改

天梁書院刻

奢節儉則合美乎斯干登封降禪則齊德乎黃軒為無為  
 事無事未有民以孔安遵節儉尚素樸思仲尼之剋已履  
 老氏之常足將使心不亂於所在目不見其可欲賤犀象  
 簡珠玉藏金於山抵璧於谷翡翠不裂瓊瑁不族所貴惟  
 賢所寶惟穀民去末而反本咸懷忠而抱慤于斯之時海  
 內同說曰吁漢帝之德馨侯其禕而蓋賞茲為難時也故  
 曠代而不覲惟我后能植之以至和平方當數諸朝階然  
 則道胡不懷化胡不柔聲與風翔澤從雲遊萬物我賴亦  
 又何求德寓天覆輝烈光燭狹三王之越越軼五帝之長  
 驅踵二皇之遐武誰謂駕遲而不能屬東京之懿未聲值  
 余有大馬之疾不能究其精詳故粗為賔言且稷樂如此

越音樣  
 寒七不反

東京賦

若乃流遁忘反放心不覺樂而無節後離其戚一言幾於  
 喪國我未之學也且夫挈鉞之智守不假器况纂帝業而  
 輕天位瞻望二祖厭庸孔肆常翹翹以危懼若乘奔而無  
 轡白龍魚服見困豫且雖萬乘之無懼猶怵惕於一夫終  
 日不離於輜重獨微行其焉如夫君人者鞋纊塞耳車中  
 不內顧珮以制容鑿以飾塗行不變玉駕不亂步却走馬  
 於糞車何惜駿裏與飛兔方其用財取物常懼生類之殄  
 也賦政任役常畏人力之盡也取之以道用之以時山無  
 榘枿不虞胎草木繁廡鳥獸阜滋人忘其勞樂輸其財  
 百姓同於饒衍上下共其雍熙洪恩素蓄人心固結執義  
 顧主夫懷貞節忿姦慝之干命怨皇統之見替玄謀設而

精五書反

陰行合二九而成譎登聖皇於天階章漢祚之有秩若此  
故王業可樂焉今公子苟好勦民以媮樂忘人怨之為仇  
也好殫物以窮寵忽下叛而生憂也夫水所以載舟亦所  
以覆舟堅冰作於履霜尋木起於蘖栽昧旦丕顯後世猶  
急况初制於甚忝服者焉能改裁故相如壯上林之觀楊  
雄騁羽獵之辭雖係以頽墻填壑亂以收置解罟卒無補  
於風規祇以昭其愆尤臣濟奢以陵君忘經國之長基故  
田谷擊拆於東西朝廷顛覆而莫持凡人心是所學體安  
所習飽肆不知其臭翫其所以先入咸池不齊度於蠅咬  
而衆聽者疑惑能不惑者其唯子野乎客既醉於大道飽  
其文義勸德畏戒喜懼交爭惘然若醒朝疲夕倦奪氣禿

東京賦

魄之為者也忘其所以為談笑其所以為夸良久乃言曰  
鄙哉予乎予習非而遂迷也幸見指南於吾子若僕所聞  
華而不實先生之言信而有徵鄙夫寡識而今而後乃知  
大漢之德馨咸在於此管常恨三墳五典既泯仰不覩炎  
帝帝魁之美得聞先生之餘論則大庭氏何以尚茲走雖  
不敏庶斯達矣

南都賦

於顯樂都既嚴且康陪京之南居漢之陽割周楚之豐壤  
跨荆豫而為疆體爽塏以閑敞紛紛郁郁其難詳爾其地勢  
則武關關其西桐栢揭其東流滄浪而為隍廓方城而為  
墉湯谷涌其後清水盪其曾推淮引湍三方是通其寶利

驚角

翠在石反  
翠在石反  
翠在石反

珍怪則金彩玉璞隨珠夜光銅錫鈆錯赭堊流黃綠瑯紫  
英青腹丹粟太一餘糧中黃穀玉松子神陂赤靈解角耕  
父楊光於清冷之泉游女弄珠於漢臯之曲其山則崆峒  
嶠嶠嶂嶂嶸嶸刺峯峒嶸嶸屹屹嶸幽谷嶸峯夏含霜雪  
或若嶸而纒聯或豁爾而中絕鞠巍巍其隱天俯而觀乎  
雲霓若夫天封大孤列仙之陬上平行而曠蕩下蒙籠而  
崎嶇坂坻嶽嶽而成巘谿谿錯繆而盤紆芝房菌蠢生其  
隈玉膏溢溢流其隅崑崙無以侈閭風不能踰其木則檉  
松栝櫻椈栢杻檀楓柙櫨櫨帝女之桑楮枿柗欄柅柘櫨  
檀結根竦本垂條嬋媛布綠葉之萋萋敷華藻之蓂蓂玄  
雲合而重陰谷風起而增哀擢之叢駢青冥盱眙杳藹翁

文選地志卷第四

十九

驚角

粉管管反  
粉管管反  
粉管管反

鬱於谷底森尊尊而刺天虎豹黃熊游其下穀獲狻狻戲  
其顛鸞鸞鸞鸞翔其上騰援飛猱棲其間其竹則鐘籥箏  
箏篠幹箠箠緣延坻坂澶漫陸離阿那翁茸風靡雲披爾  
其川瀆則洙澧灤濼發源巖穴潛窟洞出沒滑濺滴布瀨  
漫汗漉沆洋溢總括趣飲箭馳風疾流湍投澌砂八軋軋  
長輪遠逝滂淚泫泫其水蟲則有嬰龜鳴虵潛龍伏螭鱓  
鱓鱓鱓鱓鱓蛟鱓巨蚌函珠駁蝦蟇蛇其陂澤則有鉗盧  
玉池赭陽東陂貯水淳沔巨望無涯其草則有蕪芋殯莞  
蔣蒲蕪葭藻萍菱芡芙蓉金華從風發榮菲披芬葩其鳥  
則有鴛鴦鸕鷀鷓鴣鴛鴦鴛鴦鷓鴣鷓鴣鷓鴣鷓鴣鷓鴣和鳴  
澹淡隨波其水則開竇灑流浸彼稻田溝澮脉連堤塍相

文選地志卷第四

二

天梁書院刻

韞朝雲不興而潢潦獨臻決泄則曠為漑為陸冬稼夏穡  
 隨時代熟其原野則有桑漆麻紵菽麥稷黍百穀蕃廡翼  
 翼與與若其園圃則有蓼葍藜荷諸柘薑蕃荇蕒芋瓜乃  
 有櫻梅山柿楸棗梨栗棗棗若榴穰橙鄧橘其香草則有  
 薜荔蕙若薇蕪蓀長掩曖蓊蔚含芬吐芳若其厨膳則有  
 華薺重秬滷臯香秬歸鴈鳴鷄黃稻鱸魚以為芍藥酸甜  
 滋味百種千名春卯夏筍秋韭冬菁蘇殺紫薑拂撒鱸腥  
 酒則九醞甘醴十旬兼清醪敷徑寸浮蟻若泝其甘不爽  
 醉而不醒及其糾宗綏族禴祠蒸嘗以速遠朋嘉賓是將  
 揖讓而升宴於蘭堂珍羞琅玕充盈圓方彫琢狎獵金銀  
 琳琅侍者盡媚巾幘鮮明被服雜錯履躡華英僕才齊敏

南都賦

授爵傳觴獻酬既交率禮無違禪琴操籥流風徘徊清角  
 發徵聽者增哀客賦醉言歸主稱露未晞接歡宴於日夜  
 終愷樂之令儀於是暮春之禊元巳之辰方軌齊軫祓于  
 陽濱朱帷連網曜野映雲男女姣服駱驛繽紛致飾程蠶  
 僂紹便娟微眊流睇蛾眉連嫵於是齊僮唱兮列趙女坐  
 南歌兮起鄭舞白鶴飛兮蘭曳緒修袖繚繞而滿庭羅襪  
 躡蹠而容與翩絲絲其若絕眩將墜而復舉翹遙遷延蹀  
 躡躑躅結九秋之增傷怨西荆之折盤彈箏吹笙更為新  
 聲寡婦悲吟鷓鴣哀鳴坐者悽欷蕩魂傷情於是群士放  
 逐馳于沙場騶駉齊鑣黃間機張足逸驚飈鏃析毫芒俯  
 貫魴鯁仰落雙鷁魚不及竄鳥不暇翔爾乃撫輕舟兮浮

青池亂北渚兮揭南涯汰澆滄兮舩容喬陽侯澆兮掩冕  
鷺追水豹兮鞭蜩蝻憚夔龍兮怖蛟螭於是日旣逮昏樂  
者未荒收歡命駕分背廻塘車雷震而風厲馬庶超而龍  
驤夕暮而歸其樂難忘斯乃游觀之好耳目之娛未覩其  
美者焉足稱歎夫南陽者真所謂漢之舊都也遠代則劉  
后甘厥龍醢覲魯縣而來遷奉先帝而追孝立唐祀於堯  
山固靈根於夏葉終三代而始蕃非純德之宏圖孰能揆  
而處旃近則孝侯思故匪居匪寧穢長沙之無樂歷江湘  
而北征曜朱光於白水會九世之飛榮察茲都之神偉啓  
天心而寤靈於是宮室則有園廬舊宅隆崇雀鬼御房穆  
以華麗連閣煥其相徽聖皇之所逍遙靈祇之所保綏章

陵鬱以青葱清廟肅以微微皇祖歆而降福彌萬祀而無  
衰帝王臧其擅美詠南音以顧懷且其君子弘懿睿哲允  
恭溫良容止可則出言有章進退屈申與時抑揚方今天  
地之睢刺帝亂其政豺狼肆雪真人革命之秋也爾其則  
有謀臣武將皆能攫戾執猛破堅摧剛排捷陷局蹙踏咸  
陽高祖階其塗光武覽其英是以關門反距漢德久長及  
其去危秉安視人用遷周邵之傳據島足焉以斥王職摺  
紳之倫經綸訓典賦納以言是以朝無闕政風烈昭宣也  
於是乎兒齒眉壽鮐背之叟皤皤焉被黃髮者喟然相與  
歌曰望翠華之歲建太常兮袞袞飛龍兮駉駉振和  
鑾兮京師總萬乘兮徘徊按平路兮來歸豈不思天子南

巡之辭者哉遂作頌曰皇祖止焉光武起焉據彼河洛統  
四海焉本枝百代位天子焉末代克孝懷桑梓焉真人南  
巡觀舊里焉

思玄賦

仰先哲之玄訓兮雖彌高而弗違匪仁里其焉宅兮匪義  
跡其焉追潛服膺以求靖兮緜日月而不衰伊中情之信  
修兮慕古人之貞節竦余身而順止兮遵繩墨而不跌志  
搏搏以應懸兮誠心固其如結旌性行以製佩兮佩夜光  
與瓊枝縹幽蘭之秋華兮又綴之江離美襲積以酷烈兮  
允塵邈而難虧既媿麗而鮮雙兮非是時之攸珍奮余榮  
而莫見兮播余香而莫聞幽獨守此側陋兮敢怠遑而舍

繼呈良

南都賦 思玄賦

勤幸二八之選虞兮喜傳說之生殷尚前良之遺風兮恫  
後辰而無及何孤行之兢兢兮予不群而介立感鸞鷲之  
特栖兮悲淑人之希合彼無合其何傷兮患衆偽之冒真  
旦獲譴于群弟兮啓金滕而後信覽蒸民之多僻兮畏立  
辟以危身增煩毒以迷惑兮羌孰可以為言已私沈憂而  
深懷兮思續紛而不理願竭力以守義兮雖貧窮而不改  
執雕虎而試象兮陟焦原而跟止庶斯奉信以周旋兮要  
既死而後已俗遷渝而事化兮泯規矩之圓方寶蕭艾於  
重筍兮謂蕙芷之不香斥西施而弗御兮繫驥馭以服箱  
行頗僻而獲志兮循法度而離殃惟天地之無窮兮何遭  
遇之無常不抑操而苟容兮譬臨河而無航欲巧笑以干

媚兮非余心之所嘗襲温恭之黻衣兮被禮義之繡裳  
貞亮以為警兮離伎藝以為珩昭綵藻以彫琢兮瑱聲遠  
而彌長淹栖遲以恣欲兮矐靈忽其西藏恃已知而華予  
兮鷓鴣鳴而不芳異一季之三秀兮迺白露之為霜時豐  
豐而代序兮疇可與乎比仇咨妬媿之難並兮想依韓以  
流亡恐漸苒而無成兮留則蔽而不彰心猶豫而狐疑兮  
即岐趾而臚情文君為我端著兮欲飛遯以保名歷衆山  
以周流兮翼迅風以揚聲二女感於崇嶽兮或冰折而不  
營天蓋高而為澤兮誰云路之不平勗自彊而不息兮蹈  
玉階之峴崢懼筮氏之長短兮鑽東龜以觀禎遇九臯之  
介鳥兮怨素意之不呈遊塵外而警天兮據冥翳而哀鳴

思玄賦

鵬鷲競於貪婪兮我修繫以益榮子有故於玄鳥兮歸母  
氏而後寧占既吉而無悔兮簡元辰而儼裝旦余沐於清  
源兮晞余髮於朝陽漱飛泉之瀝液兮咀石菌之流英翺  
鳥舉而魚躍兮將往走乎八荒過少昊之窮野兮問三丘  
乎句芒何道真之淳粹兮去穢累而影輕登蓬萊而容與  
兮鼈雖抃而不傾留瀛洲而採芝兮聊且以乎長生憑歸  
雲而遐逝兮夕余宿乎扶桑飲青岑之玉醴兮餐沈瀝以  
為糧發管夢於木末兮穀崑崙之高岡朝吾行於暘谷兮  
從伯禹乎稽山嘉群臣之執玉兮疾防風之食言指長沙  
以邪徑兮存重華乎南鄰哀二妃之未從兮翮續處彼湘  
濱流目眺夫阿衡兮覩有黎之圯墳痛火正之無儀兮託



山坡以孤魂愁鬱鬱之茂遠兮越卬州而遊遨跡止中于  
昆吾兮熾炎火之所陶揚芒爍而絳天兮水泫沄而涌濤  
溫風翕其增熱兮怒鬱愜其難聊顛羈旅而無友兮余安  
能乎留茲顧金天而歎息兮吾欲往乎西嬉前祝融而使  
舉麾兮纒朱鳥以承旗躔建木於廣都兮披若華而躊躇  
超軒轅於西海兮跨汪氏之龍魚聞此國之千歲兮曾焉  
足以娛余忠九土之殊風兮從蓐收而遂徂歛神化而蟬  
蛻兮朋精粹而為徒蹶白門而東馳兮云台行乎西墜亂  
弱水之潺湲兮逗華陰之滹渚號馮夷俾清津兮棹龍舟  
以濟三會帝軒之未歸兮悵倘佯而延佇泗河林之養養  
兮偉關雎之戒女黃靈詹而訪命兮穆天道其焉如曰近

思玄賦

信而遠疑兮六籍闕而不書神達昧其難覆兮疇克謨而  
從諸牛哀病而成虎兮雖逢昆其必噬齧兮殫而尸亡兮  
取蜀禪而引世死生錯而不齊兮雖司命其不晰竇號行  
於代路兮後膺祚而繁廡王肆侈於漢庭兮空銜卹而絕  
緒尉龙眉而即潛兮逮三葉而構武董弱冠而司衮兮設  
王隧而弗處夫吉凶之相仍兮恒反側而靡所穆屆天以  
悅牛兮豎亂叙而幽主文斷袪而忌伯兮闕謁賊而寧后  
通人闇於好惡兮豈昏惑而能剖羸髓識而戒胡兮備諸  
外而發內或輦賄而違車兮孕在產而為對慎竈顯以言  
天兮占水火而妄諱良叟患夫黎丘兮丁厥子而傳刃親  
所視而弗識兮矧幽冥之可信無絲棼以滓已兮思百憂

集反

以自疼彼天監之孔明兮用裴忱而祐仁湯蠲體以禱祈  
 兮蒙厖褫以拯民景三慮以管國兮榮惑次於他辰魏顛  
 亮以從治兮鬼亢回以弊秦咎繇邁而種德兮樹德懋于  
 英六桑末寄夫根生兮卉既凋而已育有無言而不酬兮  
 又何往而不復蓋遠迹以飛聲兮孰謂時之可蓄仰矯首  
 以遙望兮魂惘惘而無儔偪區中之隘陋兮將北度而宣  
 遊行積冰之皚皚兮清泉汜而不流寒風淒其未至兮拂  
 穹岫之騷騷玄武縮于殼中兮騰蛇寃而自糾魚矜鱗而  
 弁凌兮鳥登木而失條坐太陰之屏室兮慨含歎而增愁  
 怨高陽之相寓兮佻顛頊而宅幽庸織路於四垠兮斯與  
 彼其何瘳望寒門之絕垠兮縱余綵乎不周迅颺瀟其騰

聖之衆反

思玄賦

愁魚斬反

我兮驚翩飄而不禁越釜嚙之洞穴兮漂通淵之砾砾經  
 重陰乎寂寞兮熬墳羊之潛深追荒忽於地底兮軼無形  
 而上浮出石密之閭野兮不識蹊之所由速燭龍兮執炬  
 兮過鍾山而中休瞰瑤溪之赤岬兮弔祖江之見劉聘王  
 母於銀臺兮羞玉芝以療饑戴勝愁其既歡兮又請余之  
 行遲載太華之玉女兮名洛浦之處妃咸效顰以蠱媚兮  
 增孌服而蛾眉舒眇婧之纖要兮楊雜錯之桂徽離朱脣  
 而微笑兮頰的皪以遺光獻環琨與琛縞兮申厥好之玄  
 黃難色豔而賂美兮志浩蕩而不嘉雙材悲於不納兮並  
 詠詩而清歌歌曰天地烟煴百卉含葩鳴鶴交頸睡鳩相  
 和處子懷春精魂回移如何淑明忘我實多將吟賦而不

對真

暇兮爰整駕而亟行瞻崑崙之巍巍兮臨繁河之洋洋伏  
靈龜以貝坻兮巨鯨龍之飛梁登閭風之層城兮構不死  
而為牀屑瓊藥以為糧兮斟白水以為漿抨巫咸使占夢  
兮乃貞吉之元符茲令德於正中兮含嘉秀以為敷既垂  
穎而顧本兮亦要思乎故居安和靜而隨時兮姑純懿之  
所廬戒庶僚以夙會兮僉供職而來迓豐隆軒其震霆兮  
列缺燁其照夜雲師黜以交集兮凍雨沛其灑途轅琯與  
而樹葩兮擾應龍以服輅百神森其備從兮屯駟羅而星  
布振余袂而就車兮修劍揭以低昂冠岌岌其映蓋兮佩  
綈麗以輝煌僕夫儼其正策兮八乘騰而超驤氣旌浴以  
天旋兮規旌飄以飛揚撫軫軹而還曉兮心灼爍其若湯

思安賦

對後感反

羨上都之赫戲兮何迷故而不忘左青瑀以捷芝兮右素  
威以司鉦前長離使拂羽兮委水衡乎玄冥屬箕伯以函  
風兮登洪忽而為清曳雲旗之離離兮鳴玉鑿之豐豐涉  
清霄而升遐兮浮翫矇而上征紛翼翼以徐戾兮焱回回  
其陽靈叫帝閭使闢扉兮覲天皇于瓊宮聆廣樂之九奏  
兮展洩洩以彤彤考治亂於律均兮意逮始而思終惟盤  
逸之無斃兮懼樂往而哀來素女撫絃而餘音兮太容吟  
曰念哉既防溢而靖志兮迨我暇以翱翔出紫宮之肅肅  
兮集太微之閶闔命王良掌策駟兮踰高閣之將將建罔  
車之慕慕兮獵青林之芒芒彎威弧之拔刺射嶧冢之封  
狼觀壁壘於北落兮伐河鼓之磅礴秉天潢之泛泛兮浮

雲漢之湯湯倚招搖攝提以低徊劉流兮察二紀五緯之  
 網繆適皇經蹇天矯勉連卷兮雜沓叢嶺颺以方驤轍汨  
 颺淚沛以罔象兮爛漫麗靡貌以迭盪凌驚雷之砉礚兮  
 弄狂電之淫裔踰濛鴻於宕冥兮貫倒景而高厲廓盪盪  
 其無涯兮乃今窺乎天外據開陽而俯視兮臨舊鄉之諳  
 諳悲離居之勞心兮情悄悄而思歸魂眷眷而屢顧兮馬  
 倚鞞而徘徊雖遊遨以媮樂兮豈愁慕之可懷出閭闔兮  
 降天途乘焱忽兮馳虛無雲霏霏兮繞余輪風眇眇兮震  
 余旗續連翩兮紛暗曖條眩眩兮反常閭收疇管之逸豫  
 兮卷淫放之遐心修初服之娑娑兮長余佩之參參文章  
 煥以繁爛兮美紛紜以從風御六藝之珍駕兮遊道德之

思玄賦

平林結典籍而為咎兮驅儒墨而為禽玩陰陽之變化兮  
 詠雅頌之徽音嘉曾氏之歸耕兮慕歷阪之嶽崧蒸夙管  
 而不貳兮固終始之所服夕惕若厲以省譽兮懼余身之  
 未勅苟中情之端直兮莫吾知而不忍默無為以凝志兮  
 與仁義乎逍遙不出戶而知天下兮何必歷遠以劬勞系  
 曰天長地遠歲不留侯河之清祗懷憂願得遠度以自悞  
 上下無常窮六區超踰騰躍絕世俗飄颻神舉逞所欲天  
 不可階仙夫稀柏舟悄悄吝不飛松喬高跼孰能離結精  
 遠遊使心攜迴志竭來從玄謀獲我所求夫何思

歸田賦

遊都邑以未久無明略以佐時徒臨川以羨魚俟河清乎

未期感蔡子之慷慨從唐生以決疑諒天道之微跡追漁  
父以同嬉超埃塵以遐逝與世事乎長辭於是仲春今月  
時和氣清原隰鬱茂百草滋榮王睢鼓翼倉庚哀鳴交頸  
頡頏關關嚶嚶於焉逍遙聊以娛情爾乃龍吟方澤虎嘯  
山丘仰飛纖繳俯鈞長流解矢而斃貪餌吞鈞落雲間之  
逸禽懸淵沈之魴鯉于時曜靈俄景繼以望舒極盤遊之  
至樂雖日夕而忘劬感老氏之遺誡且迴駕乎蓬廬彈五  
絃之妙指詠周孔之圖書揮翰墨以奮藻陳三皇之軌模  
苟縱心於域外焉知榮辱之所如

文選增定卷第四

